

四庫全書

史部

欽定四庫全書

史部

御批資治通鑑綱目卷三上

詳校官修撰

臣錢榮

編修

臣程嘉謨覆勘

總校官降調編修

臣

倉聖脉

校對官中書

臣

陸湘

謄錄監生

臣

李敬敏

欽定四庫全書

御批資治通鑑綱目卷三上

起已亥漢高帝五年盡甲申漢文帝後七年 凡四十六年

已亥漢太祖高皇帝五年冬十月王追項籍至固陵齊王

信魏相國越及劉賈誘楚周殷迎黥布皆會十二月圍

籍垓下籍走自殺楚地悉定考異

黥亦當作英

十月漢王追項羽至固陵齊王信魏相國越期會不至楚擊漢軍大破之漢王復堅壁自守謂張良曰諸侯不從奈何對曰楚兵且破三人未有分地其不至固宜君王能與共天下可立致也信之立非君王意

不自堅且其家在楚欲得故邑越本定梁地亦望王而君王不早定今能出捐此地以許兩人使各自為戰則楚易破也王從之於是信越皆引兵來十一月劉賈圍壽春誘楚大司馬周殷殷畔楚舉九江兵迎黥布皆會十二月羽至垓下兵少食盡信等以大軍乘之羽敗入壁漢及諸侯兵圍之數重羽夜聞漢軍四面皆楚歌乃大驚曰漢皆已得楚乎是何楚人之多也起飲帳中悲歌慨泣數行下左右皆泣莫能仰視於是羽乃乘其駿馬從八百餘騎直潰圍南出馳走渡淮至陰陵迷失道問一田父田父紿曰左左乃陷大澤中漢騎將灌嬰追及之至東城乃有二十八騎漢追者數千人羽引騎依四潰山為陳謂其騎曰吾起兵八歲七十餘戰未嘗敗北遂霸天下今卒因此此天亡我非戰之罪也今日固決死願為諸君決戰必潰圍斬將令諸君知之乃分其騎為四隊四鄉漢軍圍之數重羽令四面騎馳下期山東為三

處於是大呼馳下斬漢一將與其騎會為三處漢軍
不知羽所在乃分軍為三復圍之羽復馳斬漢一都
尉殺數十百人復聚其騎亡其兩騎耳謂其騎曰何
如皆曰如大王言於是羽欲東渡烏江亭長檣船待
曰江東雖小地方千里衆數十萬亦足王也今獨臣
有船願大王急渡羽笑曰籍與江東子弟八千人渡
江而西今無一人還縱江東父老憐而王我我獨不
愧於心乎乃刎而死楚地悉定獨魯不下王欲屠之
至城下猶聞絃誦之聲為其守禮義之國為主死節
因持羽頭示之乃降以魯公禮葬羽於穀城親為發
哀哭之而去諸項氏枝屬皆不誅封項伯等四人為
列侯賜姓劉氏諸民畧在楚者皆歸之太史公曰羽
放逐義帝而自立怨王侯叛已難矣自矜功伐奮其
私智而不師古欲以力征經營天下國亡身死尚不
覺寤乃引天亡我非戰之罪豈不謬哉楊子曰漢屈
羣策羣策屈羣力楚傲羣策而自屈其力屈人者克

自屈者負集覽固陵縣名晉灼曰即光州固始括地
天曷故焉志云固陵在陳州宛邱西北四十二

天曷故焉

集

志云固陵在陳州宛邱西北四十二

里亦望王為句王去聲垓下李奇曰聚邑名在沛之

汶縣張揖三蒼注云坡堤名在沛郡正義曰坡是直

岡絶巖今猶高三四丈其聚邑及堤在垓之側因名

城下今在亳州真源東十里楚歌顏師古曰楚人之

歌猶言吳謳越吟也九江兵歸漢故多楚聲忼慨壯

士不得走直夜直讀曰值當也古字例以直為值陰

陵地理志九江郡陰陵縣案九江今無為州是方輿

勝覽和州烏江縣西北四十五里有陰陵山即項羽

連失逆處括地志云陰陵故城在濠州定遠西北六

十里給曰左句也欺令句左去東城地理

志云故城在濠州定遠東南

五十里烏江地理志烏江在東城縣括地志云烏江

亭即和州烏江縣故立傳黃津口即項羽東渡烏江

方輿勝覽烏江浦即亭長樣船

1. The first step is to identify the problem. In this case, the problem is that the system is not working properly. The user has reported that the system is not working properly, and the user has provided some information about the problem. The first step is to identify the problem.

待項王處。樣船徐廣曰：樣音儀。孟康曰：音蟻。附也。附船著岸也。如淳曰：南方人謂整船向岸曰樣。穀城杜預曰：屬濟北。括土志云：東平東阿縣東二十五里有穀城山。述征記云：項羽墓在穀城縣西北三里。楊子曰：下文皆揚子重黎篇文。漢屈羣策按：揚子注解漢能屈已以用羣臣之策，謂羣策無能出漢之右者。羣策屈羣力，羣力皆為羣策所制。故曰：屈羣力楚激羣策而自屈其力，激徒對反，廢也。言楚既廢羣策而不能用，是自屈其力也。宋咸曰：激惡也。項羽有一范增而不能，用其惡羣策可知矣。天曷故焉？言天豈故為之哉？亦正誤。左今按：田父紹曰：左左兩字各自為句，人事也。正誤。左今按：田父紹曰：左左兩字各自為句，上左字田父欺令項羽向左去也。質實。一統志云：固陵地名在開封府陳州城北三十里。垓下堤名在鳳陽府虹縣西五十里。陰陵山名在和州城北八十里。東城在鳳

陽府定遠縣東南五十里項羽敗走東城即此漢置
縣屬九江郡東漢滕撫傳陰陵人徐鳳反攻燒東城
或云東城廢縣在和州境四潰山在應天府江浦縣
西南七十里昔項羽敗垓下走至東城漢兵追之羽
引騎依四潰山為陣即此石上有馬跡或云漢兵四
面圍羽羽引兵潰圍斬將於此因名俗呼為四馬山
烏江浦名在和州城北故烏江縣四里穀城山名在
兗州府東阿縣東北五里又縣東南一十二里有項
羽墓在焉

書法

王不書漢何漢篇也周殷曷為書誘歸功賈
也項籍何以不書誅前書討項籍則足以明

其為賊矣不
必書誅可也

發明

固陵之追籍已兵疲食盡猶能大破漢軍則
劉非項敵明矣然未幾三將會兵卒能破羽

則漢之用人與藉之自用其相去何翅什百詳書
信越英布會兵之實所以見漢之擒藉卒賴三人
之力若夫藉負弑逆之罪而不正其誅者漢本志
於爭天下而非純於討賊故綱目亦不得而純予
之也

王還至定陶馳入齊王信壁奪其軍質實

定陶注見秦二世二年

書法

前書奪韓信軍矣於是復書馳入壁奪其軍
帝則未免任術矣此信之所以不終臣節也

故綱目備書之
而此稱馳入

○遣劉賈擊臨江王共尉虜之○春正月更立齊王信
為楚王魏相國越為梁王

韓信至楚召漂母賜千金召辱已少年以為中尉曰此壯士也

發明

漢王方擒項籍即奪韓信軍故綱目書馳入齊王信壁以見其急於制信如此然信號為

善兵而漢王兩奪其軍如取嬰兒之物則信亦未得為節制之師而漢王將將之能尤不可及矣若夫信軍既奪又復改封畧無一毫不平之意則他日疑而虜之是固漢王之過也比事詳觀則得之矣

赦

令曰兵不得休八年萬民與苦甚今天下事畢具赦天下殊死已下

二月王即皇帝位

諸侯王皆請尊漢王為皇帝
二月甲午即位於汜水之陽
質實
一統志云汜水在山東曹州西南三里

十

書法

得天下之辭有三即皇帝位正也稱皇帝自稱而已矣立為皇帝不宜立者也終綱目書

即皇帝位者四高帝也光武也昭烈也晉元帝也
自宋以下得天下者書稱皇帝而已書立為帝為
皇帝凡五
齋君地漢恒山義劉玄
盧芳石敬瑭皆不宜立而立者也

發明

自三代而下惟漢得天下以正誅無道秦一也
討項籍罪二也天下已定始即尊位三也

後世有僅得蕞爾之地而妄自尊大者視此可以少愧矣

更王后曰皇太后太子曰皇太子追尊先媼曰昭靈夫

人○立故衡山王芮為長沙王故粵王無諸為閩粵王

質實

閩越國名注見武帝建元三年

○帝西都洛陽○夏五月兵罷歸

家

詔民前或相聚保山澤不書名數者令各歸其縣復故爵田宅吏以文法教訓辨告勿笞辱軍吏卒爵及

七大夫以上皆令食邑已下皆復其身及戶勿事

集覽

七大夫索隱曰秦第十爵名也文穎曰七

大夫公大夫也復其身及戶勿事復音福除也除免其身役戶稅也勿事不給繇賦也

書法

高帝之得天下也書兵罷歸家光武之中興也書罷郡國車騎材官還復民伍其廣大氣

象何如哉與書銷兵器毀兵仗者大不侔矣秦二十六年隋開皇九年

置酒南宮

置酒洛陽南宮上曰徹侯諸將毋敢隱朕皆言其情
吾所以有天下者何項氏之所以失天下者何高起
王陵對曰陛下使人攻城畧地因以與之與天下同
其利項羽不然有功者害之賢者疑之戰勝而不予
人功得地而不予人利此其所以失天下也上曰公
知其一未知其二夫運籌帷幄之中決勝千里之外
吾不如子房鎮國家撫百姓給餉餽不絕糧道吾不
如蕭何連百萬之衆戰必勝攻必取吾不如韓信三
者皆人傑吾能用之此吾所以取天下者也項羽有
一范增而不能用此所以為我禽也羣臣說服楊氏
曰項籍無道所過殘滅民不親附范增為之謀主曾
無一言以救其敗其得計不過數欲害沛公耳嗚呼
藉誠不改其轍則前日之亡秦是也借令沛公死天
下豈無沛公乎然則籍雖用增亦未必有益於敗亡

也
集覽

南宮括地志云南宮在洛州洛陽縣東北一
十六里洛陽故城中輿地志云秦時已有南

北宮

書法

置酒何以書志帝所以興也終綱目書置酒

燕蒲池孝武帝太元三年秦宴羣臣齊兩子年元
魏華林園隋煬帝大業三年張衡宅十二年西苑
唐太宗貞觀元年宴羣臣六年丹霄殿七年玄武
門十二年東宮高宗開耀元年麟德殿睿宗景龍
四年宴近臣玄宗開元二十年上陽東洲二十三
年御樓肅宗至德二年宴回紇冬末年蜀宴宣華
殿甲申年蜀怡神亭書大宴一唐憲宗元和十五
年穆宗大饗三暹光武建武十三年獻帝建安二
十五年魏主丕晉成帝咸和七年
趙罷宴一唐太宗貞觀二十年

召故齊王橫未至自殺

田橫與其徒屬五百餘人入海居島中帝恐其為亂赦橫罪召之曰橫來大者王小者乃侯耳不來且舉兵加誅焉橫乃與其客二人乘傳詣洛陽至尸鄉廐置謂其客曰橫始與漢王俱南面稱孤今漢王為天子而橫乃為亡虜北面事之其耻固已甚矣且吾烹人之兄與其弟併肩而事主縱彼不動我獨不愧於心乎遂自剄令客奉其頭從使者馳奏之帝為流涕以王禮葬之二客自剄餘五百人在島中者聞之亦皆自**集覽**乘傳蘇鶚演義曰傳張戀反以木為之長殺尺五寸書符其上又以一版偕封以御史印章所以為信乘傳者依乘符傳而行若今使者持節耳樂彦云傳丁戀反如淳曰律四馬高足為置傳中足為馳傳下足為乘傳一馬二馬為軺傳急者乘一馬曰乘一乘傳頗師古曰傳者若今之驛也古者

以車謂之傳車其後又置單馬謂之驛騎尸鄉廐置正義曰尸鄉在洛州偃師縣西南五里亳阪之北廐置置馬以傳驛處吾烹人之兄與其弟併肩而事主其弟謂酈食其弟酈商也併部迴反並立也先是食其已說下齊韓信復襲破之齊以食其賣已而烹之今與商比肩事漢其耻固已甚矣莊子讓王篇太王亶父曰與人兄居而殺其弟吾不忍也即此意縱彼不動此下脫一我字案史記作縱彼不敢動我我獨不愧於心乎奉其質實一統志云島中在萊州府即頭正義曰奉音捧

去岸二十五里田橫五百人死於此今名田橫島尸鄉在河南府城西春秋時劉人敗王城之師於師氏

即此古有祝鷄翁居此養鷄

以季布為郎中斬丁公以徇

初楚人季布為項籍將數窘辱帝籍滅帝購求布千金敢有舍匿罪三族布乃髡鉗為奴自賣於魯朱家朱家心知其季布也買置田舍身之洛陽見滕公曰季布何罪臣各為其主用職耳項氏臣豈可盡誅邪今工始得天下而以私怨求一人何示不廣也且以布之賢漢求之急此不北走胡南走越耳夫忌壯士以資敵國此伍子胥所以鞭荆平之墓也滕公言於上上乃赦布召拜郎中朱家遂不復見之布母弟丁公亦為項羽將逐窘帝彭城西短兵接帝急顧曰兩賢豈相厄哉丁公乃還至是來謁帝以徇軍中曰丁公為臣不忠使項王失天下者也逐斬之曰使後為人臣無傲丁公也司馬公曰高祖網羅豪桀招亡納叛亦已多矣而丁公獨以不忠受戮何哉當羣雄角逐之際民無定主來者受之固其宜也及貴為天子海內為臣苟不明禮義以示人使為臣者人懷二心以徼大利則國家豈能久安乎是故斷以大義使天

下曉然皆知為臣不忠者無所自容而懷私結思者雖至於活已猶不與也戮一人而千萬人懼其慮事豈不深集覽魯朱家魯人也季布先匿漢陽周且遠哉集覽氏周氏曰漢求將軍急迹且至臣家僅敢獻計乃髡鉗布衣褐衣置廣柳車中并與其家僮數十人至朱家賣之案廣柳車喪車也滕公夏侯嬰職耳臣職當然耳伍子胥所以鞭荆平之墓子胥伍員也荆即楚也員以父奢為平王所殺遂奔吳教吳伐楚時平王已卒吳師入郢掘平王墓出尸鞭之三百今以子胥喻季布丁公晉灼曰案楚漢春秋丁公薛人也名固短兵接為句注見宋文帝元嘉十一年

帝西都關中以婁敬為郎中賜姓劉氏

齊人婁敬戍隴西過洛陽求見上曰陛下都洛陽豈欲與周室比隆哉上曰然敬曰陛下取天下與周異

周自后稷積德累善十有餘世至於文武而諸侯自
歸之遂滅殷為天子及成王即位周公相焉乃營洛
邑以為此天下之中也諸侯四方納貢職道里均矣
有德則易以王無德則易以亡故周之盛時諸侯四
夷莫不賓服及其衰也天下莫朝周不能制非唯德
薄形勢弱也今陛下起豐沛卷蜀漢定三秦與項羽
戰滎陽成臯之間大戰七十小戰四十使天下之民
肝腦塗地哭聲未絕傷者未起而欲比隆於成康之
時臣竊以為不侔也夫秦地被山帶河四塞以為固
卒然有急百萬之衆可立具也夫與人鬪不愔其元
拊其背未能全其勝也今陛下案秦之故地此亦愔
天下之亢而拊其背也帝問羣臣羣臣皆山東人爭
言周王數百年秦二世即亡洛陽東有成臯西有轅
澠倍河鄉洛其固亦足恃也上問張良良曰洛陽雖
有此固其中小不過數百里田地薄四面受敵非用
武之國也關中左殽函右隴蜀沃野千里南有巴蜀

之饒北有胡苑之利阻三面而守獨以一面東制諸
侯諸侯安定河渭漕輓天下西給京師諸侯有變順
流而下足以委輸此所謂金城千里天府之國敬說
是也上即日西都關中拜敬郎中號奉春君賜姓劉
氏胡氏曰高帝起兵八年歲無寧居至是天下平定
當亦少思安逸之時也而敏於用言不自遑暇如此
其成帝業宜哉光武下隴歸纓六日顧

集覽

搯其亢
川盜起而往征之可謂能絕祖武矣

捉持也亢音剛咽喉也以喻關中拊其背拊擊也以
背脊喻天下沃野千里沃灌沃也言其土壤廣遠有
灌漑之利故張平子西京賦曰廣衍沃野胡苑之利
養禽獸處通名曰苑謂安定北地上郡之北與胡地
相接可以畜牧又多致胡馬故曰胡苑之利諸侯安
定今關中諸侯各安分守各定封疆河渭漕輓天下
河水注見周安王十五年渭水出隴西首陽縣渭首
亭南谷東會涇又東至京兆同官縣入河言此二水

行乎關外足供漕運輓引天下之舟委輸並去聲委積轉輸也顏師古曰謂輸送委積者天府之國財物所聚曰府關中物產饒贍可質實一統志云渭水源出臨洮府渭源縣備贍給故稱天府天所造也鳥鼠山西北谷東流經盤屋興平咸陽渭南等縣直至華陰縣界入于黃河淮南子曰渭之水多力宜秦

書法

是書賜姓何識也始亂宗屬矣書賜姓始此自

姓三妻敬徐世績羅藝書賜名五楊國忠李正已張茂昭田宏正朱全忠書賜姓名三李實臣李國

昌李贊華不書賜書削奪姓名者一李茂貞不書賜書復其姓名者一李紹貞等

張良謝病辟穀

良素多病入關即杜門道引不食穀曰家世相韓及韓滅不愛萬金之資為韓報讐彊秦天下振動今以

三寸之舌為帝者師封萬戶侯此布衣之極良足矣
願棄人間事欲從赤松子遊耳司馬公曰夫生之有
死譬猶夜旦之必然自古及今固未嘗有超然而獨
存者也以子房之明辨達理足以知神僊之為虛偽
笑然則欲從赤松子遊者其智可知也夫功名之際
人臣之所難處淮陰誅夷蕭何繫獄非以履盛滿而
不止邪故子房托於神僊遺棄外物所謂明哲保身
者與楊六曰子房之志為韓報仇而已其事高祖非
本心也蓋自博浪之謀不遂其心固未嘗一日而忘
秦也以為奮匹夫之勇以僥倖於一旦不若陰求天
下之豪傑而徐圖之及得沛公而知其足以濟吾事
也於是委身從之教以滅秦之計及事之濟則去漢
歸韓而但教以燒絕棧道至於定三秦討項氏之策
則無一言及之豈其智之不及哉其心固將輔韓成
以馳騁於中原而不欲漢王之東也及成為項羽所
殺則韓之子孫無若成之賢者而子房之志無所復

伸矣然羽之讐不可以不報而欲報羽則非漢又不足資以成功也於是不得已復西以再致吾復讐之志使漢事得成而吾責亦塞然後自託於神僊之說以遂其不欲事漢之本心焉此子房之智謀節義所以遠過於人而自漢至今千有餘年未有能窺之者惟子程子蓋嘗言之又以爲子房進退從容有儒者之風非高祖之能用子房實子房能用高祖其可謂知子房矣抑高祖之任子房蓋亦不足以盡子房之術

集覽 學道引不食穀服辟穀藥而不食靜居行氣以云

引體令其柔華陀傳曰古僊人導引之事熊經鵠顧引接要體動諸闕節以求難老韓成成韓王名子程子謂伊川也朱文公稱周程特曰子周子子程子復於姓上繫子字案公羊傳子沈子子公羊子子司馬子何休注加子姓上名具爲師也若非師而但有德者不以子冠氏上文公於周程蓋師尊之也

書法

書謝病有之矣書辟穀何為惠六年書卒張本也此書辟穀後書卒綱目之意微矣

六月赦○秋七月燕王臧荼反帝自將虜擊之立盧綰

為燕王考異

虜擊之當作擊虜之

又綰家與上同里開綰生質實一統志云又與上同日改特王之盧綰豐人

書法

帝自起兵身親其間多矣不書自將此書自將何既即帝位也書自將始此終綱目書自

將三十八是年再書七年十年十一年光武建武

二年三年五年再書八年再書十一年昭烈章武

元年二年魏主後主建興十一年吳主晉惠大安

二年丙寅年宋主又魏主唐寅年魏主庚戌年魏

主齊丁丑年魏主已卯年魏主陳庚辰年高齊主

隋煬大業七年九年五代辛未年蜀主辛巳年晉

主丙申年唐主甲辰年晉主再書乙巳年晉主丁未年晉主漢主辛亥年壬子年甲寅年丙辰年丁巳年巳未年周主書親征二晉明帝太寧二年唐太宗貞觀十八年書奉帝奉其主四漢後主延熙二十年晉惠帝大安二年再書永興元年

趙王張耳卒

子敖嗣
敖尚帝長
女魯元公主為后

故楚將利幾反帝自將擊破之

書法

凡書故將予義也此其書反何惡楚也綱目書故將七是年利幾晉惠帝永興二年成都

故將公師藩元帝大興三年晉王保故將陳安穆帝永和六年故趙將麻秋又張賀度唐初辛巳年

竇建德故將劉黑闥五代辛亥年漢湘陰公故將
鞏廷美惟利幾以故將書反公師藩以成都將書
寇

○後九月治長樂宮集覽

長樂宮注見
景帝三年

子^庚六年冬十二月帝會諸侯於陳執楚王信以歸至洛

陽赦為淮陰侯

楚王信初之國行縣邑陳兵出入人有上書告信反
者帝以問諸將皆曰亟發兵坑豎子耳帝默然又問
陳平平曰人言信反信知之乎上曰不知平曰陛下
兵精孰與楚上曰不能過平曰諸將用兵有能過信
者乎上曰莫及也平曰如此而舉兵攻之是趣之戰
也竊為陛下危之上曰為之奈何平曰古者天子有

巡狩會諸侯陛下第出偽遊雲夢會諸侯於陳陳楚
之西界信聞天子以會出遊其勢必無事而郊迎謁
謁而因擒之此特一力士之事耳帝以為然乃告諸
侯會陳吾將南遊雲夢因隨以行信聞之疑懼時項
王故將鍾離昧亡歸楚漢詔信捕之或說信斬昧以
獻及上至陳信持昧首謁上上令武士縛信載後車
信曰果若人言狡兔死走狗烹高鳥盡良弓藏敵國
破謀臣亡天下已定我固當烹遂械繫以歸因赦天
下田肯賀曰陛下得韓信又治秦中秦形勝之國也
帶河阻山地勢便利其以下兵於諸侯譬猶於高屋
之上建瓴水也夫齊東有琅邪即墨之饒南有泰山
之固西有濁河之限北有渤海之利地方二千里持
戟百萬此東西秦也非親子弟莫可使王齊者上曰
善至洛陽赦信封淮陰侯信知帝畏惡其能多稱病
不朝從居常鞞鞞羞與絳灌等列上嘗從容與信言
諸將能將兵多少上問曰如我能將幾何信曰陛下

不過能將十萬上曰於君何如曰臣多多而益善耳
上笑曰多多益善何為為我禽信曰陛下不能將兵
而善將將此信之所以為陛下禽也集覽治秦中謂定
也且陛下乃所謂天授非人力也
淳曰時山東人呼關中為秦中形勝之國張晏曰秦
地被山帶河得形勢之勝便韋昭曰地形險固故能
勝人也建瓴水如淳曰建音蹇覆也瓴盛水併也居
高屋之上而翻瓴水譬其向下之勢易濁河之限晉
灼曰齊西有平原郡河水東北過平原孟津號黃河
故曰濁河踰河即屬趙故曰限渤海之利勃通作勃
索隱曰勃旁跌也旁跌出者橫在濟北故齊都賦云
海旁出為勃因名勃海郡有鹽魚之利多益善本
傳作多
多益辦

書法

書執以歸
執無罪也

曰自有
西祖論
臣之
以獵
招示者
取走免

始剖符封功臣為徹侯

發明 韓信之國人告其反綱目不以反書是信未嘗有反謀也書執信以歸而不書其所執之由是信無故見執也然則赦之為侯不知所赦何罪哉偽遊雲夢以會諸侯甘為詐誘之事前以詐和而滅籍後以詐遊而執信籍不滅則漢不能以一統信不執則漢不可以安枕論其謀則深矣語其功則高矣進之王者之事則未也此漢氏之所以雜霸

始封功臣鄭蕭何食邑獨多功臣皆曰臣等身被堅執銳多者百餘戰少者數千合今蕭何未嘗有汗馬之勞徒持文墨謀論頗反居臣等上何也帝曰諸君知獵乎追殺獸吏者何也發縱指示者也今諸君徒能得走獸耳功何也至如蕭何發縱指示功人也羣臣皆莫敢言張良亦無戰鬪功帝使自擇齊三

比擬之
過甚

卷三上

三

萬戶良曰臣始起下邳與上會留此天以臣授陛下
陛下用臣計幸而時中臣願封留足矣不敢當三萬
戶乃封良為留侯封陳平為戶牖侯平辭曰此非臣
之功也上曰吾用先生謀戰勝克敵非功而何平曰
非魏無知臣安得進上曰子集覽鄭侯文穎曰鄭音
可謂不背本矣乃賞無知
何本傳注瓚曰南陽鄭縣屬荊州非沛國鄭縣也沛
之鄭音祚柯反孫檢曰有二縣音字多亂案茂陵中
書蕭何國在南陽宜呼贊今多呼嗟嗟舊字作鄴今
皆作鄴所由亂也史記注索隱曰蕭何所封沛之鄭
音贊後其子續封南陽之鄭音嗟有此異耳發縱指
示顏師古曰發縱解紲而縱放之指示以手指示之
也史記縱作蹤注謂發其蹤跡指而示之也孔毅父
曰縱音子用反非也當知周禮有迹人凡田獵者受
令焉注今謂時與處也下邳地理志東海郡下邳縣
正義曰泗水邑應劭曰邳在魯國薛縣後徙此故此

云下邳張良遇黃石於此戶牖索隱曰秦時戶牖即在陳留陽武縣漢以為東昏縣左傳哀十三年注戶牖在陳留外黃縣西北東昏城是括地志
云東昏故城在汴州陳留東北九十里
鄴秦之縣名屬南陽郡漢封蕭何於此梁立鄴城郡後周廢入陰城縣故城在襄陽府光化縣東北漢江
上下邳秦之縣名屬郟郡漢屬東海郡東漢為下邳國晉宋梁為下邳郡置武州後魏改州曰東徐後周
又改邳州隋為下邳郡唐復置邳州宋置淮陽軍金
復改邳州元屬歸德府至本朝以下邳縣省入屬淮
府安

春正月立從兄賈為荊王弟交為楚王兄喜為代王子

肥為齊王

帝懲秦孤立而亡欲大封同姓以鎮撫天下分楚地
為二國以淮東五十三縣立徙兄將軍賈為荆王以
薛郡東海彭城三十六縣立弟文信君交為楚王以
雲中鴈門代郡五十三縣立兄宜信侯喜為代王以
膠東膠西臨菑濟北博陽城陽郡七十三縣立微時
外婦之子肥為齊王胡氏曰先王經世之法至秦盡
矣漢祖勃興既定四海則宜命大臣求遺賢講王制
首復井田之法是時距秦未遠經畧溝洫必尚可考
大本一正于以分土而封國則遠邇大小各得其宜
而二帝三王公天下之心復傳矣高帝不能稽古割
地無法封三庶孽分天下半苟簡一時流患於後帝
之智既不及此而良平諸臣亦無為之謀者豈王澤
當熄天不啟其
衷邪嗚呼惜哉

以曹參為齊相國

參之至齊盡召諸先生問所以安集百姓而齊故諸
儒以百數言人人殊參聞膠西有蓋公善治黃老言
使人請之蓋公為言治道貴清靜而民自定參
乃避正堂以舍之用其言齊國安集稱賢相焉
蓋公索隱曰蓋古闔反史不記名史記樂毅傳後太
史公曰樂臣公學黃帝老子其本師號曰河上丈人
河上丈人教安期生安期生教毛翁公毛翁公教樂
瑕公樂瑕公教樂臣公樂臣公教蓋公蓋公教於齊
高密膠西為
曹相國師
質實一統志云蓋公膠西人善治黃老
治道貴清靜而民自定推此類
具言之參用其言齊國大治

書法

書齊相何錄善治也故
通鑑不書綱目特書之

更以太原郡為韓國徙韓王信王之

上以信材武所王皆天下勁兵處乃以太原郡三十

一縣為韓國徙信王之以備胡都晉陽信以國被邊

晉陽去塞遠請

集覽

馬邑搜神記云昔秦人築城於

治馬邑許之

有馬馳走周旋父老異之因依而築焉乃不崩

質實

故名馬邑括地志云在鴈門郡今朔州城是也

一統志云馬邑秦之縣名漢屬鴈門郡北齊屬廣安

郡隋初郡廢以縣省入鄆陽縣屬朔州唐復於大同

軍城置馬邑縣建中間嘗徙朔州治此五代時唐置

寰州及寰清縣遼罷馬邑縣金置固州元州廢縣存

至本朝因之

改屬大同府

封雍齒為什方侯考異

方當
作邯

上已封大功臣二十餘人其餘爭功不決未得行封

上從複道望見諸將往往相與坐沙中語曰此何語

留侯曰陛下不知乎謀反耳上曰何故留侯曰陛下
起布衣以此屬取天下今所封皆故人所親愛所誅
皆平生所仇怨此屬畏陛下不能盡封又恐見疑平
生過失及誅故相聚謀反耳上乃憂曰為之奈何留
侯曰陛下平生所憎羣臣所共知誰最甚者上曰雍
齒與我有故怨數嘗窘辱我留侯曰今急先封雍齒
則羣臣人人自堅矣於是乃封雍齒為什方侯而急
趣丞相御史定功行封羣臣皆喜曰雍齒尚為侯我
屬無患矣司馬公曰張良為高帝腹心宜其知無不
言安有聞諸將謀反待帝自見然後乃言之邪蓋以
高帝數用愛憎行誅賞羣臣往往有觖望自危之心
故良因事納忠以變移帝意使上無阿私下無猜忌
可謂善集覽什方高祖功臣侯年表作汁加如淳白
諫矣集覽音什方索隱曰什又如字讀縣屬廣漢
郡今漢州縣缺望猶言怨望也漢書注瓚曰缺音訣
謂相缺而怨望也如淳曰缺者缺也不滿所望而怨

耳質實

一統志云什方漢之縣名屬廣漢郡高祖封雍齒為什邡侯即此晉置新都郡後周改為

方亭縣武帝廢入駱縣唐初復置什邡縣屬益州垂拱中改屬漢州宋元仍舊本朝因之改屬成都府

詔定元功位次賜丞相何劭履上殿入朝不趨

詔定元功十八人位次皆曰曹參功最多宜第一鄂千秋進曰參雖有野戰略地之功此特一時之事耳上與楚相距五歲失軍亡衆跳身遁者數矣蕭何嘗從關中遣軍補其處又軍無見糧何轉漕關中給食不乏陛下雖數亡山東何常全關中以待陛下此萬世之功也今奈何以一旦之功而加萬世之功哉何第一參次之上曰善於是乃賜何帶劔履上殿入集朝不趨上曰吾聞進賢受上賞封千秋為安平侯覽跳身遁跳音調質實一統志云安平漢舊縣名屬輕身走出也

陵國北齊為博陵郡治隋置深州後省州以縣屬博陵郡唐又置深州五代宋金皆因之元改曰南平州中統初為安平縣屬晉州本朝因之改屬真定府

書法

此殊禮也綱目備書者四蕭何董卓曹操惟蕭何得書賜畧之止稱殊禮者四梁冀會稽王昱蕭道成唐王淵惟梁冀會稽王昱書加書不名者一司馬昭凡不書賜與加者皆偕而已矣

帝歸櫟陽集覽

櫟陽注見周顯王八年

○夏五月尊太公為太上

皇

上五日一朝太公太公家令說曰皇帝雖子人主也太公雖父人臣也奈何令人主拜人臣而使威重不

欽定四庫全書

御批通鑑綱目

行乎後上朝太公擁筵迎門邵行上大驚下扶太公

太公曰帝人主奈何以我亂天下法上乃詔尊太公

為太上皇賜家集覽家令掌太公家事倉穀飲食擁

令金五百斤筵迎門邵行擁持也筵掃竹也

李奇曰謂出迎於門為之掃地以衣袂擁

筵而邵行恐塵埃之及長者所以示敬也

書法

帝既即皇帝位矣父猶稱曰太公其追尊先

之號帝之尊親反後始皇矣始皇更號曰

皇帝即並尊莊襄王為太上皇無臣故也

秋匈奴寇邊圍馬邑韓王信叛與連兵

初匈奴畏秦北徙及秦滅復稍南渡河單于頭曼有

太子曰冒頓後有少子欲殺冒頓而立之冒頓遂殺

頭曼自立東胡使謂冒頓欲得頭曼時千里馬羣臣

皆曰勿與冒頓曰奈何與人隣國而愛一馬乎遂與

之東胡又欲得單于一闕氏左右皆怒請擊之冒頓
曰柰何與人隣國愛一女子乎又與之東胡王愈益
驕兩國中間有棄地莫居千餘里東胡欲有之羣臣
或曰此棄地與之亦可勿與亦可冒頓大怒曰地者
國之本也柰何與人言與者皆斬之即上馬令國中
後出者斬遂襲滅東胡又走月氏并樓煩白羊河南
王遂侵燕代悉復蒙恬所奪故地控弦之士三十餘
萬至是圍韓王信於馬邑信使使求和解漢疑信有
二心使人讓之信恐誅遂以馬邑集覽頭曼單于之名
邑降之匈奴遂攻太原至晉陽集覽索隱曰曼莫安
反冒頓劉伯莊曰音墨特或如字讀闕氏蘓氏曰音
馬支顏師古曰匈奴中皇后號劉貢父曰匈奴單于
號其妻為闕氏耳顏便以皇后解之太俚俗也史記
匈奴傳注闕氏舊音曷氏習鑿齒讀作咽支棄地莫
居千餘里莫居言無人居止是為棄地走月氏走去
聲驅而走之也月氏西域國初在蔥嶺西安息東後

為匈奴擊破遂分為兩種遠去過大宛西擊大夏而臣之都焉水北者為大月氏其餘小眾保南山羌者號小月氏去陽關幾萬里正義曰氏音支字或作支括地志云涼甘肅延沙等州本月氏地并樓煩白羊河南王并去聲兼而有之也劉敬傳敬從匈奴來因言匈奴河南白羊樓煩王去長安近者七百里張晏曰白羊匈奴別種與樓煩胡皆在河南河南者朔方郡之河南也舊並匈奴地今亦謂之新秦中又樓煩注見周赧王八年控弦之上控正誤走月氏今按走引也正義曰謂能滿引弓弩者正誤如字言月氏被擊而走也

質實

月氏注見武帝元朔二年

令博士叔孫通起朝儀質實

一統志云叔孫通薛人

帝悉去秦苛儀法為簡易羣臣飲酒爭功醉或妄呼拔劍擊柱帝益厭之叔孫通說上曰夫儒者難與進

取可與守成臣願徵魯諸生共起朝儀帝曰得無難乎通曰五帝興樂三王不同禮禮者因時世人情為之節文者也臣願頗采古禮與泰儀雜就之上曰可試為之令易知度吾所能行者為之於是通使徵魯諸生有兩生不肯行曰公所事者且十王皆面諛以得親貴今死者未葬傷者未起又欲起禮樂禮樂所由起積德百年而後可興也吾不忍為公所為公去矣無汙我通笑曰若真鄙儒不知時變遂與所徵及上左右與其子弟百餘人為綿蕞野外習之月餘言於上曰可試觀矣上使行禮曰吾能為此乃令羣臣習集覽若真鄙儒若猶爾汝也言汝乃真鄙陋之儒肆集覽綿蕞徐廣曰表位標準也如淳曰綿謂置設綿索為習肄處蕞謂以茅翦植地為纂位尊卑之次韋昭曰引繩為綿立表為蕞蕞音茲會反顏師古曰蕞與絕同又音耗悅反案春秋國語置茅絕表坐賈逵曰朝會束茅以表位曰絕或曰立竹及茅索營之

習禮儀
其中

書法

稱朝儀何紀實也終綱目書修定儀禮十一
是年叔孫通車帝元和三年曹褒甲申年魏

荀顯王辰年梁五禮已未年西魏制禮樂乙巳年
隋五禮隋煬帝大業二年儀衛唐太宗貞觀十一
年新禮高宗顯慶三年新禮玄宗開元十四
年張說戊午年周寶儼耕桑封禪儀不與焉

辛丑七年冬十月長樂宮成朝賀置酒質實長樂宮注見
景帝三年

長樂宮成諸侯羣臣皆朝賀先平明謁者治禮以次
引入殿門陳東西鄉衛官俠陞及羅立廷中皆執兵
張旗幟於是皇帝傳警出房引諸侯王以下至吏六
百石以次奉賀莫不震恐肅敬禮畢置酒諸侍坐
者皆俯抑首以次起上壽觴九行謁者奏罷酒御史
執法舉不如儀者輒引去竟朝罷酒無敢誼譁失禮

者於是上曰吾乃今日知為皇帝之貴也拜通太常
初秦悉內六國禮儀擇其尊君抑臣者存之及通制
禮頗有所增損大抵皆襲秦故其書後與律令同錄
藏於理官法家又復不傳民臣莫有言者焉司馬公
曰禮之為用大矣用之於身則動靜有法而百行備
焉用之於家則尊卑有別而九族睦焉用之於鄉則
長幼有倫而俗化美焉用之於國則君臣有叙而政
治成焉用之於天下則諸侯賓服而紀綱正焉豈直
几席之上戶庭之間得之而不亂哉夫以高祖之明
達誠得大儒而佐之與之以禮為天下其功烈豈若
是而止哉惜夫叔孫生之為器小也徒竊禮之糠粃
以諧俗取寵遂使先王之禮淪沒不振以迄于今豈
不痛甚矣哉是以揚子譏之曰昔者魯有大儒史失
其名曰何如其大也曰叔孫通欲制君臣之儀召先
生於魯所不能致者二人曰若是則仲尼之開迹諸
侯也非邪曰仲尼開迹將以自用也如委已而從人

雖有規矩準繩焉得而用之夫大儒者集覽謁者百惡肯毀其規矩準繩以趨一時之功哉官表謁者掌賓讚受事員七十人秩比六百石有僕射秩比千石顏師古曰謁者屬大長秋主報中章天子出則前導威儀陳東西鄉叔孫通傳功臣列侯諸將軍軍吏以次陳西方東鄉文官丞相以下陳東方西鄉衛官俠陞叔孫通傳作郎中俠陞儀云帝輦動則左右侍同陞升殿之階傳警出房漢儀云帝輦動則左右侍幃幄者稱警是也置法酒顏師古曰法酒猶言禮酌謂不飲之至醉也文穎曰作酒令法也蘇林曰常會須天子中起更衣然後入置酒矣索隱曰法者進止有禮也古人飲酒不過三爵君臣百拜終日宴不為亂也太常注見明帝永平二年襲秦故襲因也因襲秦時故事藏於理官法家藝文志法家者流蓋出於理官信賞必蜀以輔禮制

書法

宮未有書成者此其書成何三年而後成也

故漢長樂書成隋仁壽書成唐蓬萊書成皆

久而後成者也終綱目書宮成四是年長樂宮晉

孝武太元三年新宮隋文帝開皇十五年仁壽宮

唐高宗龍朔三年蓬萊

宮惟晉新宮非久辭

帝自將討韓王信信及匈奴皆敗走帝追擊之被圍平

城七日乃解

上自將擊韓王信破其軍信亡走匈奴白土人曼邱
臣王黃等立趙利收信兵謀攻漢匈奴使左右賢王
將萬騎與王黃等南至晉陽漢擊之輒敗走已復屯
聚漢兵乘勝追之會天大寒雨雪士卒墮指者什二
三上聞冒頓居代谷使人覘之冒頓匿其壯士肥牛
馬但見老弱羸畜使者十輩來皆言匈奴可擊上復

欽定四庫全書

御批資治通鑑綱目

卷三十一

三十一

使劉敬往使未還悉兵三十二萬北逐之敬還報曰
兩國相擊此宜矜夸見所長今臣往徒見羸瘠老弱
此必欲見短伏奇兵以爭利愚以為匈奴不可擊也
時兵已業行上怒罵曰齊虜以口舌得官今乃妄言
沮吾軍械繫敬廣武遂先至平城兵未盡到冒頓縱
精兵四十萬騎圍帝於白登七日漢兵中外不得相
救餉帝用陳平秘計使使間厚遺閼氏冒頓乃解圍
去漢亦罷兵歸斬前使十輩赦劉敬曰吾不用公言
以困平城封為建信侯更封陳平為曲逆侯平從帝征伐凡六出奇計輒益封邑焉

集覽

白土人曼

邱臣徐廣曰白土地名在上郡張晏曰上郡有白土
縣括地志云白土故城在鹽州白池東北三百九十
里又云延銀綏三州本春秋時白狄所居因名白土
也曼邱複姓臣其名也曼音萬顏師古曰曼邱母邱
本一姓也語有急緩耳徐廣曰曼一作寧左右賢王
匈奴官號也有左有右案左賢王以次當為單于但

見見形旬反露也下見所長所短並同奇兵注見周
赧王五十五年兵已業行業事也已然曰業謂兵事
已行矣齊虜婁敬齊人也故云廣武地理志鴈門郡
廣武縣括地志云故城在代州鴈門縣句注山南四
十五里平城地理志鴈門郡平城縣秦雲中郡雲中
縣也括地志云朔州東三十里定襄縣漢平城也今
大同府是白登括地志云平城東北三十里有白登
山白登臺在焉李穆叔趙記云平城東七里有土山
高百餘尺方十餘里即白登也陳平秘計應劭曰平
使畫工圖美女間遣人遺閼氏云漢有美女如此今
皇帝因阨欲獻之閼氏畏奪已寵因謂單于曰漢天
子亦有神靈得其土地非能有之於是匈奴開其一
角得突出顏師古曰應說出桓譚新論蓋譚以意測
之非記傳所載曲逆漢書無別音惟五臣文選載陸
士衡高祖功臣頌曲逆宏達好謀能深注曲區句反
逆音遇程大昌演繁露云陳平封曲逆侯或謂曲逆

如去過非也案地理志中山國曲逆縣因濡水至城北曲而西流因名曲逆章帝醜其名改曰蒲陰則曲逆當如字讀不當借音也括地志云定州北平縣東南十五里蒲陰故城是六出奇計請捐金行反間一也以惡草具進楚使二也夜出女子二千人解滎陽圍三也躡足請封齊王信四也請偽遊雲夢縛信五也今解白登

質實

一統志云廣武秦之縣名屬鴈門郡漢仍舊晉廢之故城在太原府

代州西一十五里平城秦之縣名屬鴈門郡漢仍舊東漢廢之故城在大同府城東五里白登山名在大同府城東七里有白登臺即匈奴冒頓單于圍漢高帝處曲逆秦之縣名漢改為北平縣屬中山國後魏屬北平郡北齊省隋初復置屬定州唐改為洺州縣神龍初復為北平縣五代時唐改為燕平縣後復曰北平屬易州宋屬定州陞北平軍金改為永平縣屬中山府復陞完州元復改為永平縣尋復為完州

國朝改為完
縣屬保定府

書法

高帝自將五書擊者四城茶利幾陳豨黥布此則曷為以討書信帝所拔立非臧荼利樊

輩比也故高帝之世反者多書擊惟韓王信盧綰已所拔立則書討綱目之權衡審矣然則楚圍漢王於滎陽也直書曰圍漢王此其曰被圍平城何不以外加內也若隋煬逆賊則書曰始畢圍之矣大業十一年是故明內外之分則高帝書曰被圍正上下之義則劉虞書曰見殺獻帝初平四年

十二月還至趙

上還過趙趙王敖執子塔禮甚卑上箕踞慢罵之趙相貫高趙午等皆怒曰吾王孱王也乃說王請殺之敖留其指出血曰君何言之誤先人亡國賴帝得復德流子孫秋毫皆帝力也願君無復出口高等相謂

曰吾王長者不倍德且吾等義不辱何集覽箕踞傲

誇王為事成歸王事敗則獨身坐耳
仲兩足以手據膝形如簸箕辱王孟康曰音如
潺湲之潺湲漢州人謂懦弱為辱韋昭曰仁謹貌

書法

至危之也

匈奴寇代代王喜棄國自歸立子如意為代王○春令

郎中有罪砮以上請之民產子復勿事二歲集覽罪砮

曰砮音而罪不至髡但髡其頰毛而已蘇林曰諸法度

字皆從寸宋祁曰耐無而音如淳曰耐任也任其事也

書法

二事通鑑不書綱目特書之書之何嘉祥刑
且志仁政也綱目恤刑之政書令奏請讞議

者八是年景帝中元五年齊戊辰年元魏隋文帝
開皇十二年十六年唐太宗貞觀二年四年十六
年此書令民產子復勿事章帝書詔
賜民胎養穀元和二年皆仁政也

○二月帝至長安始定徙都

蕭何治未央宮上見其壯麗甚怒曰天下匈匈數歲
成敗未可知是何治宮室過度也何曰天下方未定
故可因以就宮室且天子以四海為家非壯麗無以
重威且無令後世有以加也上說遂自櫟陽徙都之
司馬公曰王者以仁義為麗道德為威未聞其以宮
室鎮服天下也天下未定當克己節用以趨民之急
而顧以宮室為先豈可謂之知所務哉昔禹卑宮室
而桀為傾宮創業垂統之君躬行節儉以訓示子孫
其末流猶入於淫靡况示之以侈乎孝武卒集覽
以宮室罷敞天下未必不由鄭侯啟之也

宮在雍州長安縣西北十里長安故城中名未央質者取詩夜未央勤政之義也又注見文帝七年

實

一統志云未央宮在西安府西北一十四里漢高帝所建內有東闕北闕前殿武庫遺址尚存應劭

曰宮名未央者取詩夜未央勤政之義也

書法

治長樂宮常書矣於是治未央宮則曷為不書過度也故諱之其諱之何不以未央為賢

相之累也

置宗正官○夏四月帝如洛陽

寅八年冬擊韓王信餘寇於東垣考證

擊當作討○謹按凡例曰凡正

者統用兵於臣子之僭叛者曰征曰討後倣此

上東擊韓王信餘寇過柏人貫高集覽東垣地理志
等壁人於廁中上欲宿心動而去河東東垣縣
漢高改曰真定括地志云趙之東邑在今常山真定
縣南八里故常山城是柏人括地志云故城在今邢
州柏人縣西北十二里後改名堯山壁人於廁中文
穎曰置人於廁僻之中以刺高帝張晏曰鑿壁空之
令人止質實一統志云東垣戰國趙邑名秦因之漢
其中改爲真定縣屬常山郡故城在真定府
城南八里詳見高帝十一年真定縣柏人春秋時晉
邑名戰國時屬趙漢爲縣屬趙國後魏改曰柏仁隋
屬邢州唐初於縣置東龍州後州廢還屬趙州後改
屬邢又改堯山縣宋省入內邱縣尋復置金改爲唐
山縣屬邢州元初省入內邱縣尋復置
屬順德路至國朝因之改屬順德府

十二月還宮○春三月令賈人毋得衣錦繡綺縠締紵

蜀操兵乘馬

九年冬遣劉敬使匈奴結和親

匈奴數苦北邊上患之劉敬曰天下初定士卒罷於兵未可以武服也冒頓殺父妻母以力為威未可以仁義說也獨可以計久遠子孫為臣耳陛下誠以適長公主妻之彼必慕以為關氏生子必為太子歲時問遺諭以禮節冒頓在固為子壻死則外孫為單于可無戰以漸臣也帝曰善欲遣長公主呂后不可乃取家人子名為長公主以妻單于使劉敬往結和親約司馬公曰劉敬謂冒頓殘賊不可以仁義說而欲與為婚姻何前後之相違也帝王之御夷狄服則懷之以德叛則震之以威未聞與為婚姻也集覽殺父妻母殺讀曰弑冒頓之父名頭曼以鳴正誤家鎬射殺之遂妻其母家人子庶人家之女子

子今按漢書外戚傳昭儀位視丞相爵比諸侯王降
至上家人子中家人子視有秩斗食云乃宮人名號
也

書法

書謹始也高帝創有此舉而後中國失其尊
矣特書結自我也綱目書和親凡十六而書

結和親一與和親六詳惠帝三年及和親一宋甲
戌年魏請和親四詳文帝六年求和親三詳文帝
六年乞和親一光武建武二十八年莫善於乞和
親莫不善於結和親終綱目舍是無書結者矣

十一月徙齊楚大族豪傑於關中

劉敬言匈奴河南地去長安近者七百里輕騎一日
一夜可以至秦中且諸侯初起時非齊諸田楚昭屈
景莫能興今關中少民北近匈奴東有彊族一日有
變陛下未得高枕而卧也願徙六國後及豪傑名家

居關中無事可以備胡有變帥以東伐此疆本與利之術也於是徙昭屈景懷田氏及豪傑於關中與利田宅凡十集覽昭屈景楚三大姓懷田齊二大族與餘萬口利田宅給與便利之處不征徭也

春正月趙王敖廢徙代王如意為趙王

貫高怨家知其謀上變告之於是逮捕趙王敖及諸反者詔赦徙從者族趙午等皆自剄高獨怒罵曰公等皆死誰白王不反者乃轆車膠致詣長安郎中田叔客孟舒皆自髡鉗為王家奴以從高對獄曰獨吾屬為之王實不知榜笞刺剄身無可擊者終不復言廷尉以聞上曰壯士誰知者泄公曰臣素知之此固趙國立義不侵為然諾者也上使泄公持節往問之曰趙王果有謀不高曰吾三族皆以論死豈愛王過於吾親哉顧為王實不反具道所以王不知狀泄公以報乃赦敖廢為宣平侯而徙如意王趙上賢高敖之

高曰所以不死者白王不反也今王已出吾責已塞死不恨矣且人臣有篡弑之名何面目復事上哉乃仰絕亢遂死上召叔等與語漢廷臣無能出其右者盡拜守相荀悅曰貫高小諒不塞大逆私行不贖公罪春秋之義大居正罪無赦可也司馬公曰高帝驕以失臣貫高恨以亡君使高謀逆者帝之過也使赦失國者高集覽上變告變告者謂非常之事斥言反之罪也背也逮捕顏師古曰逮訓及辭之所及則追捕之貢父曰逮者其人在而直追取之捕者其人止則討捕之故有或但言逮或但言捕當知異義也誰白王白謂別白也辯明之義輜車膠致致送詣也正義曰車上著板四周如輜形載囚其中令無所見膠密不得開送詣京師榜笞刺劉伯莊曰榜音彭亦笞也劉株劣反亦刺也漢書作刺燕應劭曰以威苛之泄公中大夫姓湛其名未詳正義曰泄音薛史有泄庸此固趙國立義不侵為然諾者也固本

然之辭侵猶言輕也史記張耳陳餘傳後太史公曰
耳餘始居約時相然信以死豈顧問哉注謂耳餘初
在貧賤時然諾相信雖死不顧也灌夫傳好任俠已
然諾素隱曰謂既已許諾必使副其前言也孫策謂
太史慈其心東道義重然諾一以意許知已死已不
相負即此仰絕亢仰頭而亢斷絕史記亢作航韋昭
曰航咽也蘇林曰頸大脉也俗所
謂胡脉音下郎反蕭該音下浪反
越也

書法

於是貫高謀逆則曷為不書諱之也貫高之

足也帝之至趙敖執禮甚恭是矣高有反謀為敖
者誅之可也執而歸之天子可也而徒隱忍不從
以為其廢也自取之而已凡廢之辭二廢某王
某者無罪之辭也某王某廢者有罪之辭也

夏六月晦日食○以蕭何為相國

甲辰十年夏五月太上皇崩秋七月葬萬年令諸侯王國

皆立廟質實

萬年縣名注見晉帝奕太和四年

書法

書皆立廟何譏非古也自是惠帝於高祖孝景於太宗孝宣於世宗遂為故常矣於是通

鑑不書綱目皆書之

○以周昌為趙相趙堯為御史大夫

定陶戚姬有寵生趙王如意呂后年長益疏上以太子仁弱謂如意類已常留之長安欲廢太子而立之大臣爭之皆莫能得御史大夫周昌廷爭之彊上問其說昌為人吃又盛怒曰臣口不能言然臣期期知其說

其不可陛下欲廢太子臣期期不奉詔上欣然而笑
呂后聞之跪謝昌曰微君太子幾廢時趙王年十歲
上憂萬歲之後不全也符璽御史趙堯請為趙王置
貴彊相及呂后太子羣臣素所敬憚者上問其人堯
以昌對上乃以昌相趙而以堯代為御史大夫楊氏
曰以高帝之明惓惓於趙王其念深矣然卒用趙堯
之策可謂以金注也且呂氏以堅忍之資濟之以深
怨積怒其欲甘心於如意也久矣一貴彊相何足以
重趙哉善為高皇計者盍亦反諸已而已矣不以燕
好之私亂嫡妾之分使貴者不凌賤者不逼則夫燕
婦婦而家道正矣豈特無母禍而已哉○上猶欲易
太子於是呂后使建成侯呂釋之彊要留侯畫計留
侯曰此難以口舌爭也願上有所不能致者四人曰
東園公綺里季夏黃公角里先生皆以上侮嫚士故
逃匿山中義不為漢臣然上高此四人今令太子為
書卑詞安車固請其來來以為客時從入朝令上見

之則一助也於是呂后使人奉太集覽
子書指之四人至客建成侯家期期以其口

倦與拳拳同以金注莊子以瓦注者巧以鈎注者憚
以黃金注者張郭象曰張武典反字或作殽音昏說

文殽殽也憐惜也林希逸口義云注射也射而賭物
曰注王欽若曰以陛下為孤注即此注字言以瓦為

注則全無利害之心以鈎帶為注則已有顧惜之意
以金為注則愛心愈重而易殽矣東園公綺里季夏

黃公角里先生漢書音義曰東綺夏角四姓也角字
從兩點下用音亮索隱曰案陳留志東園公姓唐字

宣明居園中因號為夏黃公姓崔名廣字少通齊人
隱居夏里園號為角里先生河內軹人秦伯之後姓

周名術字元道京師號曰霸上先生一曰角里先生
孔父秘記作祿里皆王劭標崔氏周氏世譜及陶潛

四八目而正誤
期期今按綺里季夏一人也黃公一人也

杜甫詩有黃綺終辭漢質實一統志云周昌沛人苛之弟也建成漢之縣名

屬渤海郡高帝封呂權之即此東漢省之故城在河間府獻縣界景城廢縣東南三十里

九月代相國陳弼反帝自將擊之考異

按征伐例曰凡正統用兵於臣

子之借叛者曰征曰討於夷狄若非其臣子曰攻曰擊注云征討如漢高祖於韓王信之類據七年書帝自將討韓王信而此二條韓王信餘冠及代相國陳弼皆不書討然信弼後皆書誅此必誤書擊耳

初上以陽夏侯陳弼為代相國監趙代邊兵弼常慕魏無忌之養士及告歸過趙賓客隨之者千餘乘周昌求見上言弼賓客甚盛擅兵數歲恐有變上令人覆案弼客諸不法事多連引弼弼恐遂反上自擊之至邯鄲喜曰弼不南據邯鄲而阻漳水吾知其無能為矣昌奏常山亡二十城請誅守尉上曰守尉反乎

對曰不上曰是力不足亡罪令昌選趙壯士可將者
白見四人封各千戶以為將左右諫曰封此何功上
曰非汝所知趙代地皆穽有吾徵天下兵未至今獨
邯鄲中兵耳吾何愛四千戶不以慰趙子弟又聞穽
將皆故賈人上曰吾知所以與**集覽**陳穽許其反阻
之矣乃多以金購之穽將多降**集覽**陳穽許其反阻
恃也禹貢至于衡漳蔡氏傳曰地志漳水有二一出
上黨沾縣大屯谷今平定軍樂平縣少山也名為清
漳一出上黨長子縣廐谷山今潞州長子發鳩山也
名為濁漳東至鄴與清漳合白見四人告白於天子
而召見之也見如字陽夏**質實**一統志云漳水有二
縣名注見秦二世元年**質實**一在太原府樂平縣
之沾嶺北流折而西南入和順縣之梁榆水謂之清
漳水一在潞州潞城縣西三十五里交漳村又東流
百八十里至彰德府林縣
界合清漳水謂之交漳水

乙巳十一年冬破稀軍春正月后殺淮陰侯韓信夷三族

考異

提要后上有皇字據晉永康元年書皇后殺其從兄武惟良皆不

去皇字此蓋刊

質實

淮陰縣名注見漢獻帝建安元年

本漏皇字耳

冬太尉周勃道太原入代地陳稀軍敗淮陰侯信舍
人第上變告陳稀前過趙代過辭信信辟左右曰公
之所居天下精兵處也而公陛下之信幸臣也人言
公畔陛下必不信再至則疑矣三至必怒而自將吾
為公從中起天下可圖也稀曰謹奉教今信陰與稀
通謀欲與家臣夜詐赦諸官徒奴發以襲呂后太子
部署已定待報未發呂后與蕭何謀詐言稀已得死
紹信入賀使武士縛信斬之信曰吾悔不用蒯徹之
計乃為兒女子所詐遂夷三族司馬公曰韓信首建
大策興高祖起漢中定三秦遂分兵以北禽魏取代

什趙晉燕擊齊滅楚漢之所以得天下者大抵皆具
功也觀其距蒯徹之說迎高祖於陳豈有反心哉良
由失職快快遂陷悖逆夫以盧綰王燕而信乃為列
侯豈非高祖亦有負於信哉雖然信滅齊不報而自
王期共攻楚而不至當是之時高祖固有取信之心
矣顧力不能耳及天下已定則信復何恃哉夫乘時
而徼利者市井之志也酬功而報德者士君子之心
也信以市井之志利其身而以士君子之心望於人
不亦難哉故太史公論之曰假令信學道謙讓不伐
已功不矜其能則庶幾哉於漢家勲可以比周召太
公之徒後世血食矣不務出此而天下已定乃謀畔
逆夷滅宗族不亦宜乎胡氏曰功過當相準信功不
可忘也迎陳之禮可以贖自王之讐拒徹之意可以
免失期之罪未有反計則當侯以次國逆謀既露猶
當宥其子孫如此則漢祖於記信之
功討信之罪各盡其道而無負矣

集覽

昭曰道太原韋

也太原古并州也禹貢既修太原注今河東太原府是徐才宗國都城記太原在古冀州太行恒山西舍人弟舍人親近左右之通稱也其弟謝公著嘗獲罪於韓信欲殺之辟左右辟必郢反除也正誤信辟左右今按辟音闢猶屏質實太原郡注見齊明去也如孟子行辟人之辟同帝建武三年并州

書法

凡書殺殺無罪也信與弼通則謀反矣不書何諱之也曷為諱之信之反帝激之也帝之

奪信王非其罪也於是帝未還都而殺之而夷之甚矣故斥書后殺

發明

信至是實有反謀矣然猶不以反書又不書其有罪乃書殺而不去其爵者信有定天下

之功受封未幾無故見執其怏怏無聊之心不言可知非信素有反心也綱目於此削而不書亦所以原其本心云爾漢氏之興德信未孚於天下既以詐而執大功之臣又以詐而殺之人誰不自疑

哉叛者迭起夫何惟耶綱目備書夷三族之實非
予其討有罪也乃所以惡漢云爾世豈有人之無
罪夷其三族而可以君天下者
哉下書梁王越夷三族亦然

韓王信伏誅○帝還至洛陽

上還聞韓信言恨不用蒯徹計乃詔捕徹至上曰若
教淮陰侯反乎對曰然豎子不用臣計耳如用臣計
陛下安得而夷之乎上怒曰烹之徹曰秦失其鹿天
下共逐之高材疾足者先得且當是時臣獨知信非
知陛下也且天下欲為陛下所為者甚
衆顧力不能耳又可盡烹耶上曰置之
質實秦失其
無道遂失其國如虞人
之失鹿以鹿喻帝位也
庶言秦

立子恒為代王○赦○二月立王侯朝獻郡國口賦法

詔曰歛省賦甚今獻未有程吏或多賦以為獻民疾
之令諸侯王常以十月朝獻及郡各以其口數率人
歲六十三錢
以給獻費
集覽
以其口數率率計也劉貢父
曰率字屬下句言大率也

詔郡國求遺賢

詔曰蓋聞王者莫高於周文伯者莫高於齊桓皆待
賢人而成名今天下賢者智能豈特古之人乎患在
人主不交故也士奚由進今吾以天之靈賢士大夫
定有天下以為一家欲其長久世奉宗廟亡絕也
賢人已與我共平之矣而不與我共安利之可乎賢
士大夫有肯從我遊者諸侯王郡守必身勸為之駕
遣詣相國府有而弗言
集覽
敦勸自為其駕車而遣
覺免年老癯病勿遣
之覺免為句謂
覺發者免其官

書法

書求遺賢何美急賢也入綱目二百餘年於是始見自是而舉賢良舉直言皆帝啟之矣

故通鑑未書綱目特書之

梁王越廢徙蜀三月殺之夷三族

上之擊陳弼也徵兵於梁梁王稱病使將將兵詣邯鄲上怒讓之梁王恐欲自往謝其將扈輒曰往則為禽不如遂反王不聽梁太僕得罪亡走漢告之上使使掩梁王囚之洛陽有司治反形已具論如法赦為庶人傳處蜀至鄭逢呂后從長安來王為呂后涕泣自言無罪后與俱至洛陽白上曰彭王壯士今徙之蜀此自遺患不如遂誅之妾謹與俱來乃令人告越復謀反夷三族梟首洛陽下詔收視者捕之梁大夫樂布使於齊還奏事頭下祠而哭之吏捕以聞上欲烹之布曰方上之困彭城敗滎陽也王與楚則漢破

與漢則楚破且垓下之會微彭王項氏不亡天下已
定而陛下以苛小案誅滅之臣恐功臣人人自危也
今彭王已死臣生不如死請就
集覽 傳處蜀傳林戀
京於是上乃釋布拜為都尉
轉相傳也處
之於蜀都

書法

書梁王越廢何罪越也越不從反矣曷為罪

廢之可也殺之
夷三族甚矣

立子恢為梁王友為淮陽王○夏四月還宮考異

按巡
行例

曰還曰帝還宮注曰間無異事則不書帝此年帝至洛
陽下有立子恒恢友為王立王侯朝獻郡國口賦法詔
郡國求遺賢梁王廢徙蜀則間
有異事矣而不書帝刊本漏也○五月立故秦南海尉

趙佗為南粵王質實

南海郡名注見武帝元鼎六年南
粵國名注見晉武帝太康元年交

州

初秦南海尉任囂病且死召龍川令趙佗語曰秦為
無道天下苦之聞陳勝等作亂天下未知所安番禺
負山險阻南海東西數千里頗有中國人相輔此亦
一州之主也可以立國即被佗書行南海尉事囂死
佗即移檄絕道聚兵誅秦吏擊并桂林象郡自立為
南越武王至是詔立以為南越王使陸賈即授璽綬
與剖符通使使和集百越無為南邊患害賈至佗雖
結寘踞見之賈曰足下中國人親戚墳墓皆在真定
今反天性棄冠帶欲以區區之越與天子抗衡為敵
國禍且及身矣秦失其政豪傑並起唯漢王先入關
項羽背約王誅滅之五年之間海內平定此非人力
天所建也王不助天子誅暴逆將相欲移兵而非王

天子憐百姓新勞苦故且休之遣使授王印綬剖符
通使王宜郊迎北面稱臣乃欲以新造未集之越屈
僮於此漢誠聞之掘燒王先人家夷滅宗族使一偏
將將十萬衆臨越則越殺王降漢如反覆手耳於是
佗乃蹶然起坐謝曰居蠻夷中久殊失禮義留賈與
飲數月曰越中無足與語至生來令我日聞所不聞
賜橐中裝直千金賈卒拜佗令稱臣奉漢約歸報帝
大悅拜賈為太中大夫賈時時前說解詩書帝罵之
曰乃公居馬上而得之安事詩書賈曰居馬上得之
寧可以馬上治之乎且湯武逆取而以順守之文武
並用長久之術也鄉使秦已并天下行仁義法先聖
陛下安得而有之帝有慙色曰試為我著秦所以失
天下吾所以得之者及古成敗之國賈乃粗述存亡
之徵凡著十二篇每篇一奏帝未嘗不稱善號其書
曰新集覽南海尉任囂秦始皇畧陸梁地以為南海
語欽定四庫全書 欽定四庫全書

州記大郡曰守小郡曰尉竄五乃反龍川令趙佗頗
師古曰南海郡龍川縣今循州是秦時趙○為龍川
令後為南海尉故稱曰尉佗徙河反番禺文穎曰
番禺南海郡理邑今廣州番禺縣其地有番山禺山
因名焉廣州記番山在南海縣禺山在番禺縣番音
藩又音婆禺音愚董衡曰番普安反禺魚容反被佗
書句絕韋昭曰被之以書也音光被四表之被移檄
絕道移檄移行檄書也尉佗本傳作移檄告橫浦陽
山湟谿關曰盜兵且至急絕道聚兵自守案所謂絕
道即先任竄所欲絕之新道也蘇林曰新道者秦所
通越道南粵王粵通作越正義曰都廣州南海縣
結服虔曰雠音椎今兵士雠頭結索隱曰雠傳追反
結音計謂為髻一撮似椎而結之故字從結案雠結
二字依字讀之亦通夷人俗本被髮今尉佗同其風
俗但雠其髮而結之抗衡較輕重低昂也崔浩曰抗
對也衡車軛上衡木言兩衡相對拒率不相避下也

屈彊屈其勿反屈彊者彊梁梗戾不柔服也
總明曰蹶其月反鄭玄音居遇反行急遽貌
蹶然而起索中裝索隱曰謂以珠寶裝裹入囊
賈時時前說稱詩書時時非一時也每於上前
稱道詩書乃公高祖自謂也新語以高祖素未嘗聞
此言故曰新語太史公曰余讀陸生新語固當世之
辯士正誤也被佗書今按被加質實一統志云龍川秦

郡有龍穿地而出即穴流泉因名隋初省入河源縣
後復置唐貞觀初省入歸善縣天授初置雷鄉縣南
漢改曰龍川縣徙循州治此宋宣和中改縣曰雷江
紹興初復為龍川縣元仍舊本朝廢州縣改屬惠
州府番禺縣名注見武帝元鼎六年陸賈楚人親戚
墳墓按趙佗先塚在真定府獲鹿縣舊石邑城北一
十三里真定漢初縣名屬常山郡後周恒山郡治此
隋郡廢分置常山縣隸恒州大業間省常山人真定

屬恒山郡唐改真定曰中山神龍初復名真定為鎮
州治宋金真定府元真定路並治此至本朝因之為
真定府治
仍屬焉

帝有疾

帝有疾惡見人詔戶者無得入羣臣十餘日舞陽侯
樊噲排闥直入大臣隨之上獨枕一宦者卧噲等流
涕曰始陛下與臣等起豐沛定天下何其壯也今天
下已定又何憊也且陛下病甚大臣震恐不見臣等
計事顧獨與一宦者枕豈不**集覽**排闥排推開也闥
見趙高之事乎帝笑而起**宮中小門**德步拜
反羸困也顧獨與一宦者枕句絕顧反也反獨枕一
宦官卧而謝絕大臣趙高之事秦皇崩時獨趙高與
幸宦五六人知之高遂**質實**舞陽縣名注見齊
詐為詔賜長子扶蘇死**武帝永明五年**

秋七月淮南王布反帝自將擊之立子長為淮南王布

擊殺荊王賈又敗楚軍遂引兵西考異

此與韓王信餘寇及陳稀例同

據後書誅布則擊字亦當作討

初淮陰侯死布已心恐及彭越誅臨其肉以賜諸侯布見醢大恐陰令人部聚兵候伺旁郡警急中大失布赫赫得罪於布乘傳詣長安上變言布謀反有端上繫赫使人驗之布遂族赫家發兵反上召故楚令尹薛公問之令尹曰往年殺彭越前年殺韓信此三人者同功一體之人也自疑禍及身故反耳使布出於上計山東非漢之有也出於中計勝敗之數未可知也出於下計陛下高枕而卧漢無事矣上曰何謂也對曰東取吳西取楚并齊取魯傳檄燕趙固守其所此上計也東取吳西取楚并齊取魯傳檄燕趙固守其所

成臯之口此中計也東取吳西取下蔡歸重於越身
歸長沙此下計也上曰是計將安出對曰布以驪山
之後自致萬乘此皆為身不顧後慮者也必出下計
時上有疾欲使太子擊布留侯所召四人者說呂釋
之曰太子將兵有功則位不益無功則從此受禍矣
君何不急請呂后承間為上泣言黥布猛將善用兵
諸將皆陛下故等夷乃令太子將此屬無異使羊將
狼且使布聞之則鼓行而西爾后如其言於是上自
將而東留侯病自強起見上曰臣宜從病甚楚人剽
疾願無與爭鋒因說上令太子為將軍監關中兵上
曰子房雖病彊卧而傅之時叔孫通已為太傅留侯
行少傅事發關中車騎巴蜀材官及中尉卒三萬人
為皇太子衛軍霸上布之初反謂其將曰上老厭兵
必不能來諸將獨患淮陰彭越今皆已死餘不足畏
也東擊荊荊王賈走死擊楚楚與戰徐僮間為三軍
欲以相救為奇或曰布善用兵民素畏之且兵法諸

侯自戰其地為散地今別為三放敗吾一軍
餘皆走安能相救不聽果敗布遂引兵西
肉布傳注反者被誅為刑法志其骨肉是也
青姓名賁音肥有端句絕端緒也猶言有由前年
殺信上文往年殺彭越顏師古曰往年與前年同
也文相避爾歸重於越重輜重也歸之於越地驪山
之徒布初坐法黥論決而徒役於驪山故等夷故舊
等輩夷儕也徐僮間地志臨淮有徐縣僮縣春秋僖
三年徐人取舒注徐國在下邳僮縣東南括地志云
徐即徐城大徐城在泗州徐城北四十里古徐國也
僮在下邳今泗州是也自戰其地為散地孫子兵法
九地曰云云杜牧之注云士卒近家進無必死之心
退有歸役之地魏武帝曰質實一統志云徐秦之縣
卒戀土地道近而易敗散質實名屬薛郡即古之徐
子國也東漢省之故城在鳳陽府泗州北五十里僮
漢之縣名屬臨淮郡三國吳省之故城在鳳陽府虹

集覽

醢

縣東北
七十里

發明

布既書反乃不書討而書擊之布有功於漢

因事自疑漢亦有以致之故其書法如此然

陳稀

非布之比反亦書擊何耶相國任一時之寄

不擇

人才乃以幸臣居之小人罷過其分卒貽叛

逆故

綱目雖書其反而皆不予其討此固

澄源

正本之論也一字之間其嚴乎哉

丙午十二年冬十月帝破布軍於蘄西布亡走長沙王臣

誘而誅之

上與布兵遇於蘄西布兵精甚上望其置陳如項籍
軍惡之遙謂布曰何苦而反布曰欲為帝爾上怒罵
之遂大戰布軍敗走江南長集覽長沙王臣吳芮之
沙王臣使人誘與走越殺之子名臣嗣父為長

王沙

書法

凡書誘讖也此其書誘何前書反此書誅則罪人也無嫌於誘矣書長沙王臣予其功也

終綱目書誘誅二是年唐憲宗元和十四年王升書誘殺十詳昭帝元鳳四年凡誘殺皆讖辭

發明

英布之死前史皆以殺書至綱目始筆其誅者正名定罪也上書布反既正其名於前此

書布誅遂定其罪於後布亦何得而辭哉信越無罪則書以殺布實有罪則書其誅故雖三人同功一體至其罪之有無不可槩論非綱目別異而書之幾於涇渭不分矣

帝還過沛復其民世世無有所與

上還過沛留置酒沛宮悉召故人父老諸母子弟佐酒道舊故為笑樂酒酣上擊筑自歌曰大風起兮雲

飛揚威加海內兮歸故鄉安得猛士兮守四方於是
起舞杭既傷懷泣數行下謂沛父兄曰游子悲故鄉
吾雖都關中千秋萬歲後吾魂猶思沛且朕自沛
公以誅暴逆遂有天下其以沛為朕湯沐邑復其民
世世無集覽道舊故說故舊時事擊筑筑以竹曲五
有所與集覽絃之樂也應劭曰似琴而大頭以竹擊
之故名筑顏師古曰今筑形似琴而小細項湯沐邑
以其賦稅供湯沐之具也記王制湯沐之邑注給齊
戒自潔清之用浴用湯沐用潘潘芳袁反浙米汁世
世無有所與與讀曰預謂復除其賦役世世無所干
預質實一統志云沛宮在徐州沛縣治東

書法

特書也其特書何識也以為君天下而私一
邑也自帝有此書而後光武書復舂陵復南

頓玄宗亦書復潞州皆帝啟之也而世世無有所
與又甚矣光武建武六年十九年唐玄宗開元十

年一

太尉周勃誅陳豨定代地○立兄子濞為吳王

更以荊為吳國

集覽

濞劉仲之子服虔曰濞普懿反

曰年表云濞都吳其實在江都喜劉仲名

十一月過魯以太牢祠孔子質實

魯國名注見周太祖廣順二年太牢注見

唐太宗貞觀元年

書法

書祠孔子何嘉重道也書祠孔子多矣鮮有書所以者書以太牢重嘉之也自坑焚禍烈

吾道幾墜帝以不事詩書之資方破布而歸適然過魯乃能動念及此至以太牢祀焉帝亦有大過

人者矣漢四百年吾道之重實自此始特書美之
終綱目書祠孔子五年是年章帝元和二年宋庚寅
年魏主燕齊乙亥年魏主宏唐高宗乾封元年書
釋奠二唐高祖武德七年代宗大歷元年謁祠拜
墓一五代壬子年周太祖皆帝發之也
祠書以太牢者二是年庚寅年而已

發明

自堯舜禹湯文武既沒天生孔子為萬代仁
義禮樂之宗主生民之類不至廢燼絕滅者

吾聖道扶持之功用也自秦燔詩書坑學士天下
大亂其禍至於陳項極矣漢高之興以馬上得天
下不事詩書慢罵弱冠其視儒道不啻枘鑿之不
相入然過魯祠孔子乃見於兵戈倥傯之日故綱
目特筆予之亦以見天理之在人心自有不可得
而泯沒者漢氏四百年基業其精神命脉蓋在於
此自是而後儒道稍稍振起除挾書禁置博士官
開獻書路迭見於繼世之後亦足以見當時崇尚

之意然漢治終於不古者粗得其一二之緒餘而
精微體用未之明也雖然吾道在天地間如一元
之氣周流磅礴未始一日而不存不以秦而泯不
以漢而興時君世主苟能知其功用之大振而起
之則聖人綏來動和之效帝王時雍迺衡之
治可復見於天下矣惜乎漢人不足以語此

○遂還宮

上還長安疾益甚愈欲易太子張良諫不聽因辭疾
不視事叔孫通諫曰晉獻公以驪姬故廢太子國亂
數十年秦以不蚤定扶蘇自使滅祀此陛下所親見
今必欲廢嫡而立少臣願先伏誅以頸血汙地帝曰
公罷矣吾直戲耳通曰太子天下本一搖天下震
動奈何以天下為戲乎上佯許而猶欲易之後置酒
太子侍留侯所招四人者從年皆八十餘鬚眉皓白
衣冠甚偉上恠問之四人者對各言姓名上乃大驚

曰吾求公數歲公避逃我今何自從吾兒遊乎四人
曰陛下輕士善罵臣等義不辱故恐而亡匿今聞太
子為人仁孝恭敬愛士天下莫不延頸願為太子死
者故臣等來耳上曰煩公幸卒調護太子四人者出
上召戚夫人指視之曰我欲易之彼四人者輔之羽
翼已成難動矣戚夫人泣上起罷酒遂不易太子留
侯本招此四人之力也胡氏曰善乎子房之能納說
也不先事而彊聒不後事而失幾不問則不言言則
必當其可故聽之易而用之不難也至於招致四人
以安太子則其績尤偉而司馬公乃致疑焉以為若
審有此是子房為子植黨以拒父也夫高祖之雄傑
豈四叟所能抗而大臣力諫之強豈不賢於四叟之
助嗚呼是未知春秋深許首止之盟而亦有納**集覽**
約自肅之象也故今特據舊史復詳載其事云

晉獻公以驪姬故廢太子獻公太子名申生公伐驪
戎得驪姬生奚齊公欲廢申生而立之會申生薦祭

母之昨於公驪姬預置毒昨中公欲享姬止之曰宜
試之與犬犬死與小臣小臣死申生聞之懼奔新城
公乃誅其傅申生自殺不蚤定扶蘇扶蘇始皇長子
也不早定太子之位後以諫坑儒獲罪使監蒙恬軍
於上郡始皇崩趙高乃詐為遺詔賜扶蘇死詳許詳
讀曰佯詐也彊詔莊子天下篇上說下教雖天下不
取強詔而不舍者也注謂強詔其耳而語之猶不肯
廢吾之教迹也彊上聲失幾易繫辭曰幾者動之
微君子見幾而作不俟終日深許首止之盟春秋僖
五年諸侯盟于首止注周惠王以惠后故將廢太子
鄭而立王子帶故齊桓帥諸侯會王世子以定其位
齊桓行霸翼戴天子故春秋多許之也首止衛地名
陳留郡襄邑東南有首鄉服虔曰首止近鄭地納約
自牖易習坎六四爻文伊川傳曰納約謂進結於君
之道牖開通之義室之暗也故設牖所以通明自牖
言自通明之處以悟君心所明處夫人心有所蔽有

所通所蔽者暗處所通者明處也當就其明處而告之求信則易也故云納約自牖自古能諫其君者未有不因其所明者也故計直強勁者率多取忤而溫良明辯者其說多行且如漢祖愛戚姬將易太子是其所蔽也羣臣爭之者衆矣嫡庶之義非不明也如其蔽而不察何四皓者高祖素知其賢而重之此其不蔽之明心也故因其所明而及其事則悟之如反手且四老人之力孰與張良羣公卿及天下之士其言之切孰與周昌叔孫通然而不從彼而從此者由攻其蔽與就其明之異耳

下相國何廷尉獄數日赦出之

蕭何以長安地脰上林中多空地棄請令民得入田毋收藁為禽獸食上大怒下何廷尉械繫之數日王衛尉侍前問曰相國何大罪陛下繫之暴也上曰吾聞李斯相秦有善歸主有惡自與今相國多受賈豎

金而為之請吾苑以自媚於民故繫治之王衛尉曰
夫職事苟有便於民而請之真宰相事陛下奈何乃
疑相國受賈人錢乎且陛下有也相國不以此時為利今乃利
則關以西非陛下有也相國不以此時為利今乃利
賈人之金乎且秦以不聞其過亡天下李斯之分過
又何足法哉陛下何疑宰相之淺也帝不憚即赦出
之何年老素恭謹入徒跣謝帝曰相國休矣相國為
民請苑吾不許我不過為桀紂主而相國為賢相吾
故繫相國欲令集覽多空地棄謂多有空隙之地捐
百姓聞吾過也棄無用王衛尉衛尉秦官掌宮
門衛屯兵王姓
也史失其名

書法

書赦出之義改過也終綱目書赦出之五上
書下某獄下書赦出之赦無罪之辭也相國

何是年周紆章帝建初八年虞詡順帝永建元年
楊彪獻帝建安二年是也上書坐事下獄下書赦

出之失有罪之辭也賀若弼隋文帝開皇二十年
是也書既而赦之二詳文帝四年既而釋之三詳

成帝元延元年赦不治一昭帝始元元年
嘉二年赦不治一昭帝始元元年

發明

三公坐而論道宰相代天理物明明穆聚
精會神與天子交相唯諾於一堂之上者也

臯夔稷契有都俞而無吁咈伊傅周召有誥命而
無戒飭臯伊諸公不可人得而世有然居其位任
其職則亦不可不盡其體貌之禮至其果有大罪
則退之可也廢之可也賜之死亦可也械繫而戮
辱之可乎哉自李斯馮去疾在秦以下獄而死漢
亦習聞其故至是以蕭相之信謹一旦無故置之
圜牆雖曰未幾赦出之然禮絕百僚師長羣后他
日亦何面目立於衆人之上哉文帝習此而繫周
勃景帝習此而繫亞夫迨武帝則動輒逮繫不可
勝舉至於下獄要斬如劉屈氂輩屠之不啻若狗

鼎者元帝以此而殺望之哀帝以此而殺王嘉終
漢之世家法若此豈非貽謀不善之過哉然何以
忠信事高祖疑之亦非一如遣子弟從軍賞民田
以自汙之類往往挾術相欺君臣交孚之理似不
如此既不免械繫之辱猶且不能引身而退何亦
嗜利亡耻者書曰下相國何廷尉獄使漢之君臣
觀之寧不
少知愧歟

燕王綰謀反春二月遣樊噲以相國將兵討之立子建
為燕王

陳稀之反燕王綰發兵擊其東北以稀求救於匈奴
亦使其臣張勝於匈奴言稀軍破故燕王臧荼子衍
在胡謂勝曰燕所以久存以諸侯數反兵連不決也
今公欲急滅稀稀亡次亦至燕矣勝以為然還以告

綰綰乃陰使勝為間於匈奴而使范齊通計謀於稀
欲令久亡連兵勿決至是稀裨將降言之帝召綰綰
恐謂其韋臣曰非劉氏而王獨我與長沙耳往年春
族淮陰夏誅彭越皆呂氏計今上病呂后專欲以事
誅異姓王者及大功臣遂稱病不行語頗泄又得匈
奴降者言張勝為燕使胡狀於是上怒曰綰果反矣
使樊噲將兵擊之

書法

未有書某以某官將者書噲以相國何重其

決也非苟然者矣平乃傳詣長安豈帝意哉綱目
書噲以相國將次書詔斬噲平傳噲詣長安下書
赦樊噲所以罪
平而危漢也

立南武侯織為南海王。詔陳平斬樊噲以周勃代將

其軍平傳噲詣長安質實

長安縣名注見惠帝五年

帝病甚人或言樊噲黨於呂氏即一日上晏駕欲以兵誅趙王如意之屬帝大怒用陳平謀召絳侯周勃受詔牀下曰陳平馳傳載勃代噲將至軍中即斬噲頭二人行計之曰噲帝之故人也功多又呂后弟頹之夫有親且貴今帝特以怒故欲斬之恐後悔寧因而致上上自誅之未至軍為壇以節召噲反接載檻車傳詣長安令集覽晏駕應劭曰天子當晏起早勃代將定燕反縣作如方崩殞故稱晏駕韋昭曰凡初崩為晏駕者臣子之心猶謂官車當駕而晚出馳傳馳謂將命而疾行也注見五年乘傳反接載檻車漢書音義曰反接反縛兩手也

夏四月帝崩

上擊黥布時為流矢所中行道疾苦呂后迎良醫入見曰疾可治上嫚罵之曰吾以布衣提三尺取天下此非天命乎命乃在天雖扁鵲何益罷之后問陛下百歲後蕭相國死誰令代之曰曹參其次曰王陵然少顛陳平可以助之平知有餘然難獨任周勃重厚少文然安劉氏者必勃也復問其次上曰此後亦非乃所知也遂崩于長樂宮呂后與審食其謀盡族諸將以故不發喪鄼商謂食其曰誠如此天下危矣今陳平灌嬰守滎陽樊噲周勃定燕代聞此必連兵集還鄉大臣內畔諸將外反亡可驕足待也乃發喪

覽

提三尺三尺劍也禮冬官桃氏為劍上制上士服

之注上制長三尺重三斤十二兩扁鵲春秋時良醫也齊渤海郡鄭縣人姓秦名越人黃帝八十一難序云秦越人與軒轅時扁鵲相類故仍號扁鵲又家於盧國因名盧醫少顛顏師古曰顛愚也陟降反還鄉讀曰旋嚮猶言內嚮也驕足晉灼曰驕音矯舉足

貌小高

書法

賀善贊曰漢唐皆以兵取天下者也綱目於高帝有四特筆唐初不得而與焉其未即位

也加秦書伐加項籍書討其用夷兵也書致助其即位也書即位大綱正矣其未即位書擊西河其用夷兵書劉文靜以突厥兵至即位書稱皇帝豈可與漢同日語哉至於斬丁公祠孔子皆有

大過人者漢祚之永宜哉

盧綰亡入匈奴○五月葬長陵質實

一統志云長陵在西安府咸陽縣東

於此置陵邑呂后陵在其東

初高祖不修文學而性明達好謀能聽自監門戍卒見之如舊初順民心作三章之約天下既定命蕭何

次律令韓信申軍法張蒼定章程叔孫通制禮儀又與功臣剖符作誓丹書鐵券金匱石室藏之宗廟雖日不暇給規**集覽**長陵皇甫謐曰在渭水北去長安募弘遠矣**三十五里**括地志云在雍州咸陽縣東三十里次律令以初約三章之法不足以禦奸故命蕭何據撫秦法作律九章次謂第其輕重也定奸章程如淳曰章歷數之章術也程法式也謂權衡丈尺斛斗之平法瓚曰案茂陵中書丞相為工用程數其中言百工用材多少之量及制度之程品是已定謂始訂定之也剖符作誓剖析符竹使世襲其爵而誓之曰使黃河如帶泰山若礪國以永存爰及苗裔丹書鐵券符契也以鐵鑄之朱書字也國之所以示信後唐明宗問趙鳳曰帝王賜人鐵券何也對曰與之立誓令其子孫長享爵祿耳金匱石室金匱猶金滕也以誓書藏之匱中而緘之以金不欲人開之又以石為室置匱其中藏於宗廟使與國同休

太子盈即位尊皇后曰皇太后○赦樊噲復爵邑○令

郡國立高廟

丁未孝惠皇帝元年冬十二月太后殺趙王如意

太后令永巷囚戚夫人斃鉗衣赭衣令舂召趙王如意三反相周昌曰高帝屬臣趙王聞太后欲誅之臣不敢遣王亦病不能奉詔太后怒召昌至復召趙王來帝自迎入宮扶與起居飲食太后欲殺之不得問帝晨出射趙王少不能蚤起太后使人持醪飲之遂斷戚夫人手足去眼燂耳飲瘡藥使居廁中命曰人彘召帝視帝驚大哭因病歲餘不能起使人謂太后曰此非人所為臣為太后子終不能治天下遂日飲為淫樂不聽政司馬公曰為人子者父母有過則諫諫而不聽則號泣而隨之若孝惠者可謂篤於小仁

而未知**集覽**永巷注見周赧王四十五年赧衣白虎

持杆臨田也婦人不預外徭但舂米四歲刑酖直禁

反酒有鵠毒也鵠鳥大如鵠食蝮蛇以其羽歷飲食

則殺人燂耳燂許云

反以藥熏之令其聲

發明

北雞之晨惟家之索蓋自周赧八年綱目書

以神武得天下呂氏亦得與事是以淮陰之死特

書后殺以見履霜之漸况夫惠帝懦弱不能親攬

大權固宜母后之僭也如意之死蓋惠帝即位之

初爾綱目特揭太后書之者所以見呂氏傾覆之

禍已肇於此固不俟他日臨朝而後見

然則有天下國家者可不謹其微哉

徙淮陽王友爲趙王質實

淮陽國名注見周赧王三十七年陳州

○春正

月始城長安西北方

書法

城未有書始者此其書始何記事始也有勿

也西土晚寒農事未起於是乎用之帝可謂能使民矣

戊申二年冬十月齊王肥來朝

齊悼惠王來朝飲太后前帝以王兄也置之上坐太后怒酌醕酒賜之帝欲取飲太后恐自起泛之齊王大恐出獻城陽郡為魯質實城陽郡注見元公主湯沐邑乃得歸高帝四年

春正月兩龍見蘭陵井中質實

蘭陵縣名注見光武建武四年

書法

書龍見始此終綱目書龍見十有三
是年文帝十五年宣帝甘露元年成帝永始元年平

帝元始二年桓帝建和元年永康元年後主建興
十一年十五年景耀二年晉武帝太康五年穆帝
永和元年後唐乙酉年而見井中者四
是年建興
景耀太康成帝黃龍見真定鴻嘉元年不書不與
焉

○隴西地震

書法
終綱目書地震一百一而兩
漢居九十焉漢書地震始此

○夏旱

書法
書早始此終綱目書大旱三
十八書早五十八詳五年

○秋七月相國鄼侯蕭何卒以曹參為相國

相國何病上問曰君即百歲後誰可代君對曰知臣
莫如主帝曰曹參何如何頓首曰帝得之矣臣死不
恨七月薨謚曰文終何置田宅必居窮僻處為家不
治垣屋曰後世賢師吾儉不賢母為勢家所奪參聞
何薨告舍人趣治行居無何使者果召參參去屬其
後相曰以齊獄市為寄慎勿擾也後相曰治無大於
此者乎參曰獄市所以并容也今擾之姦人何所容
乎始參徵時與何善及為將相有隙至何且死所推
賢惟參參代何為相舉事無所變更一遵何約束擇
吏木訥重厚長者召為丞相史言文刻深欲務聲名
者輒斥去之日夜飲醇酒賓客見參不事事皆欲有
言參輒飲以醇酒莫得開說見人有細過專掩匿覆
蓋之府中無事參子宙為中大夫帝恠參不治事使
宙私問之參怒笞宙宙趣入侍天下事非若所當言
也至朝時帝讓參曰乃者我使諫君也參免冠謝曰
陛下自察聖武孰與高帝上曰朕乃安敢望先帝臣

孰與蕭何賢上曰君似不及也參曰陛下言是也高
帝與蕭何定天下法令既明今陛下垂拱參等守職
遵而勿失不亦可乎帝曰善參為相三年百姓歌之
曰蕭何為法較若畫一曹參代之守而勿失載其清
淨民以集覽後相後來相齊者獄市漢書音義曰夫
寧壹獄市兼受善惡若窮極姦人無所容竄

久且為亂秦人極刑而天下畔孝武峻法而獄繁此
其效也老子曰我無為而民自化我好靜而民自正
參欲以道化其本不欲擾其末舉事舉凡也木訥木
質樸如木然訥遲鈍也言文刻深持文法務於刻削
而深峻者不事事如淳曰不事丞相之事密張律反
較若畫一索隱曰漢書較作講亦音校畫訓直又訓
明言法明直若畫一也顏師正誤較若畫一今按訓
古曰講和也畫一整齊也和不通當音覺明
也揚子法言孔子之道較且易司馬溫公曰音
也又孔光傳較然甚明皆當為明白易見之義

書法

綱目於兩漢諸臣卒具官爵姓者美稱也不書姓者恒稱也惟不書官者為貶之兩漢諸

臣卒

書官爵書姓者三十七蕭何曹參陳平霍去

病衛青

金日磾霍光張安世魏相丙吉卓茂祭遵

馮異

吳漢鄧禹楊賜皆官爵姓具者也張良尹翁

歸趙

充國辛慶忌寇恂朱祐馬援樊宏賈復耿种

實融

鄧訓王漁鄧宏梁育荀淑朱穆黃瓊胡廣陳

實荀爽

或官或爵而具姓者也不書官者四王譚

單超

馬日

碑荀攸

三年春城長安○與匈奴和親

匈奴冒頓方彊為書遺高后辭極棄嫚后怒議斬其使發兵擊之樊噲曰臣願得十萬眾橫行匈奴中季布曰噲可斬也前匈奴圍高帝於平城漢兵三十二萬噲為上將軍不能解圍今歌吟未絕衛夷甫起而

欲搖動天下妄言以十萬衆橫行是面謾也且夷狄
譬如禽獸得其善言不足喜惡言不足怒也后曰善
令報書慈謝遺以車馬冒頓復使來謝曰未曾
聞中國禮義陛下幸而赦之因獻馬遂和親

集覽

傷夷傷金創也夷亦傷也左傳命軍吏察夷傷面謾
欺誑也謾音慢顏師古又音綿慈謝慈與遜同順也

書法

高帝遣使和親則書結高帝九年此其書與
何恕辭也何恕字惠帝非創焉耳終綱目書

與和親六是年文帝後元二年甲戌年終綱目書
外年元魏陳已亥年唐僖宗廣明元年書及和親

一宋甲戌年元魏詳高
帝九年與脩好不與焉

夏五月立閩越君搖為東海王

都東集覽

閩越君韋昭曰閩東越別名春秋七閩地
戰國越人所居故稱閩越秦立閩中郡及

欽定四庫全書

地理志

至

漢興師越人佐漢有功復立無諸為閩越王王閩中
故地都治案治地名音野今建寧之建安福州之侯
官二縣是其地惠帝舉高帝時越功又立搖為東海
王都東甌東甌寰宇記永嘉為東甌鬱林為西甌案
舊經閩越地即東甌也今福州温州是
其地郡國志建安縣東有古東甌城
質實云東甌
漢之郡名治永嘉縣初為東甌王國後為會稽郡之
回浦縣地東漢為章安縣地又分置永寧縣三國吳
屬臨海郡晉置永嘉郡治永寧隋初廢郡改縣曰永
嘉屬處州大業初屬永嘉郡唐置東嘉州後廢以縣
屬括州上元初置温州以其地恒燠少寒故名天寶
初改永嘉郡乾元初復為温州建靖安軍五代時吳
越建靖海郡宋為應道軍建炎初仍為温州府屬浙
江
陞瑞安府元改温州路○本朝改為温州府屬浙江
道

庚戌四年冬十月立皇后張氏

后帝姊魯元公主女也太
后欲為重親故以配帝

書法

兩漢之篇書立某氏為皇后者恒辭也此其
書立皇后張氏何后帝甥也倫序亦少乖矣

異其文者異其事也是故惠后張氏以失序則異
其文是年宣后許氏以側微則異其文昭帝元平
元年成后許氏以失序則異其文成帝建始二年
哀后傅氏以失序則異其文成帝綏和二年桓后
梁氏以失序則異其
文桓帝建和元年

春正月舉民孝弟力田者復其身○三月帝冠考異提

作夏
六月

書法

於是帝生十五年矣立后五閱月矣書帝冠

年

和帝永元三年安帝永初三年順帝永建四年

桓帝

建和二年靈帝建寧四年獻帝興平元年晉

成帝

咸康元年穆帝升平元年孝武帝太元元年

安帝

隆安元年宋主昱甲寅年長者莫如漢昭帝

年

十七最少者莫如宋主昱年十二立后而後冠

者

四惠帝昭帝桓帝晉孝武帝冠皆正月重歲首

也

惟惠帝三月宋主昱十一月焉書太子

冠

二宋已卯年劬唐太宗貞觀五年承乾

○赦○省法令妨吏民者考異

提要無吏字

書法

書予之也

○除挾書律

書法

上書省法令妨吏民者矣此其一也復揭而書之何予之也亦惜之也曷為惜之惜其晚

也蓋不事詩書之害亦遠矣終綱目律令書除十是年呂后甲寅年除三族罪文帝元年除收孥二年除年除誹謗妖言十三年除肉刑成帝綏和二年除誹謗詆欺法齊丙子年魏除逋亡緣坐丁卯年魏除宮刑唐太宗貞觀四年除鞭背刑玄宗天寶六載除絞斬刑書罷一宋甲寅年書減二景帝中六年成帝河平元年書令勿坐二宣帝地節四年元康四年

○立原廟

帝以朝長樂宮數蹕煩民乃築複道武庫南叔孫通諫曰此高帝月出遊衣冠之道也子孫奈何乘宗廟道上行哉帝懼曰急壞之通曰人主無過舉今已作百姓皆知之矣願陛下為原廟於渭北衣冠月出遊

之孟廣宗廟大孝之本乃詔有司立原廟司馬公曰
過者人之所必不免也古之聖王惠其不自知也故
設謫木置諫鼓豈畏百姓之聞其過哉仲虺美成湯
曰改過不吝傳說戒高宗曰無耻過作非是為人君
者固不以無過為賢而以改過為美也今叔孫通乃
教其君以文過遂非豈不繆哉胡氏曰天子七廟致
其誠敬足矣又作原廟則通之過也其曰人主無過
舉作原廟非過舉乎使後世致隆於原廟而簡於太
廟則通說集覽冠月出遊衣冠之道叔孫通傳高寢衣
冠備法駕名曰遊衣冠三輔黃圖云高寢在高廟西
高帝衣冠藏在焉每月一出之遊於高廟其道值所
築複道故云子孫奈何乘宗廟道上行原廟裴駘曰
原再也先既立廟今又再立故名原廟原廟之作始
於惠帝要之祖宗禘祫既有太廟祧祭又有世室則
原廟之作殆後世之褻禮非古之正禮也自是之後

皆以原廟便於用俗禮而美觀其去古人重宗廟之意遠矣見禮經考索謗木服虔曰堯作之橋梁交午柱頭應劭曰橋梁過板所以書政治之愆失今宮外橋梁頭四柱木是案尸子云堯立謗誹之木韋昭曰遠政有關失使言事者書之於木諫鼓成周之時建路鼓以通下情仲虺奚仲之後為殷湯左相虺許鬼反傳說築於傅氏之巖殷高宗舉以為相說音悅

書法

識遂非也是舉也叔孫通成之

發明

春秋宮廟非志災失禮則不書如考仲子之宮丹楹刻桷桓僖宮災立武宮之類是已綱

目書立原廟立者不宜立也既有太廟則原廟果何為哉直筆書之其失自見

宜陽雨血質實

宜陽縣名注見周安王十一年

書法

此大興也故通鑑未書綱目特書之書雨血始

君地千乘博昌兩血周赧王三十一年漢主聰
延明殿而血晉愍帝建興三年不書不與焉

五年冬雷桃李華棗實

書法

此冬雷異也而桃李華棗實異之異矣書雷始

六年後三年武帝元封三年昭帝元鳳五年成帝
元延元年新莽已巳年庚午年靈帝建寧二年晉
安帝義熙五年而冬雷者七是年景帝六年後三
年武帝元封三年昭帝元鳳五年新莽已巳年庚
午年書桃李華三三年呂氏甲寅年文帝六年桃
李實一歲帝建始四年桐華一新莽已巳年棗實
年一是

○春正月城長安集覽

長安三輔黃圖序云高帝始都長安實曰西京注長安本秦時

鄉名漢儀注云高帝六年更名咸陽曰長安正義曰秦咸陽在渭北長安在渭南

質實

云長安一統志

古地名秦因之名曰長安漢復舊隋遷都始徙縣治于此唐因尹王莽改常安東漢復舊隋遷都始徙縣治于此唐因之五代梁改大安縣後唐復曰長安

○夏大旱

江河水絕
谿谷水絕

書法

書大旱始此綱目書大旱三十八是年文帝九年後六年景帝後二年武帝元光六年元

朔五年元封四年六年天漢元年三年征和元年昭帝元鳳五年宣帝本始三年成帝建始二年鴻嘉三年永始四年哀帝建平四年平帝元始二年明帝永平十八年章帝建初二年靈帝熹平六年

光武六年後主建興六年晉懷帝永嘉三年元帝
建武元年成帝咸康元年穆帝升平二年泰三年
簡文帝咸安二年安帝義熙十一年丙寅年宋齊
丁卯年魏壬午年梁甲申年魏隋煬帝大業八年
唐德宗貞元五年五代
乙酉年唐癸丑年唐

秋八月相國平陽侯曹參卒質實

平陽郡名注見周
威烈王二十三年

諡曰懿

九月長安城成

書法

城未有書成者此其書成何久也宮殿書成
費也宗廟書成慢也此其譏與佚道使民何

譏焉帝之城也必用春初有愛民之心焉跨歷五
年然後畢事書成所以見其勿亟也終綱目城書

始書成一而已

壬子六年冬十月以王陵為右丞相陳平為左丞相○夏

留侯張良卒

諡曰文成

發明

從神僊詭誕之說先儒論之詳矣有如張良欲

張良謝病辟穀疑若真有真引長生之事至是書

留侯張良卒則知子房托於神僊之意昭然可見

而詭誕之說不攻自破凡此類比而觀之則得其旨

以周勃為太尉

欽定四庫全書

御批資治通鑑綱目

五十六

卷三上
七年春正月朔日食

書法

日食三朝大變也書正月朔日食始此綱目

哉是年食八月大喪成帝元延元年正朔食哀帝
元壽元年正朔食明年大喪光武建武二年正朔
食安帝永初五年正朔食桓帝建和元年正朔食
延熹九年再書明年大喪獻帝初平四年正朔食
昭烈帝章武二年正朔食明年大喪後主景耀三
年正朔食間一歲漢亡晉初丁酉年正朔食戊戌
年正朔食武帝太康七年八年九年正朔連食間
一歲大喪惠帝光熙元年正朔食是年大喪懷帝
永嘉二年正朔食後三年遷平陽成帝咸康八年
正朔食六月大喪穆帝永和八年正朔食安帝義
熙十三年正朔食明年歲末文帝乙亥年正朔食
梁武帝戊午年丁卯年正朔食明年侯景反次年

梁主殂陳丁亥年正朔食至甲辰年乙巳年正朔
連食間一歲陳亡唐太宗貞觀六年正朔食宣宗
大中八年正朔食朱梁辛未年正朔食間一歲遇弒

夏五月日食既集覽

日食既春秋桓三年日有食之既注既盡也歷家之說謂日光

以望時遙奪月光故月食日月同會月掩日故日食
有上下者行其高下日光輪存而中食者相掩密故日
光溢出皆既者正相當而相掩間疏也然聖人不言月
食日而以自食為文闕於所不見公羊傳注既者何光
明滅盡也穀梁傳注盡而復生謂之既釋曰其日食或
盡或不盡者歷家之說以為交正在朔則日食既前後
望月不食交正在望則月食既前後朔日不食也又月
食注見新莽天鳳元年

書法

日食必書晦朔此其不書何先後日也歷官
失之據梁武帝普通元年先是日食三朝可

謂大變矣不數月又食既焉未幾而以大喪書變
不虛生信哉書日食既始此終綱目書日食既十
有二無不有應者是年食既越三月大喪晉穆帝
升平四年食既越九月大喪隋煬帝大業十二年
食既間一歲身弒國亡唐武氏癸卯年食既間一
歲武氏喪肅宗至德元年及上元二年再書食既
越九月大喪僖宗文德元年食既是月大喪其餘
漢昭帝元鳳元年安帝元初六年後主延熙六年
梁武帝壬寅年皆書食既自是皆有大變惟漢明
帝永平八年日食既則以求言改過而免耳終綱
目日食不書晦朔者十八是年呂后庚申年正食
景帝中四年武帝元光元年和帝永元二年安帝
永初元年元初元年三年後主延熙十年晉甲午
年正食再不書元帝建武元年穆帝永和七年正
食梁武帝普通元年正食陳文帝丙戌年正
食又庚子年五代丁酉年正食戊戌年正食

發明

漢自除秦苛法之後惠帝繼之一以清淨為治方且與天下休息相安於無事宜有美祥

而災異數見何哉蓋自二年兩龍見井中地震夏旱越一年宜陽兩血冬雷棗實至是則日食正且矣天下大變孰甚於此未幾盛夏之月日食之既既盡也日者人君之表食之盡可乎惠帝即世呂氏擅權上天告戒之意切矣綱目書法之旨明矣

○秋八月帝崩

書法

賀善贊曰惠帝在位七年所書纔通十九事五書封立三卒大臣四書城長安書太后殺

書和親書冠書赦各一如書齊王肥來朝書立原廟書舉民孝弟力田書省法令妨民者書除挾書律五事其天資仁厚亦可見矣然而災變八書何也意者太后居中所以感召然也

○太后使呂台呂產將南北軍

帝崩太后哭泣不下張良孫辟疆謂陳平曰帝無壯子太后畏君等今請拜呂台呂產為將居南北軍諸呂皆居中用事如此太后心安君

集覽

呂台索隱曰鄭氏鄒氏並

等脫禍矣從之諸呂權由此起

書法

拜官書以恒也此其書使何以公辭也使私

臣而使之畏而請者太后也此條通鑑因誅諸呂

發明

漢置南北軍於京師所繫甚重廼以二呂庸

得不危哉劉曰書太后使呂台呂產將南北軍謂

之後使則見其出於私意而非公選又以病當時

之將相
大臣也

九月葬安陵太子即位太后臨朝稱制質實

一統志云
安陵在西

安府咸陽縣東三十里近於長陵

初太后命張皇后取他人子養之而殺其母以爲太子至是即位

書法

漢世太子即位未有不書名者此其不名何

太子未嘗書立爲太子則非予之也不予之則曷爲稱

不知其名所以著其非正統也而太子之尊大臣

名一而已○自秦芋氏治國事而臨朝之端見矣漢呂氏始書臨朝終綱目書臨朝書御殿書稱制

詔凡二十二至稱皇帝極矣呂氏平帝王太后和
帝竇太后再書靈帝竇太后獻帝何太后晉成帝庾
太后穆帝褚太后三書魏馮太后再書齊宣德太
后魏胡太后再書唐武
氏再書五代漢太后

發明

天下不可一日無主今惠帝以八月書崩而
太子乃以九月始書即位至於曠月無君考

之前史蓋自戊寅至辛丑凡二十有四日始葬安
陵既葬之後太子始即位則是呂后擅朝之禍可
勝言哉况太子實非劉氏乃使之稱尊其為宮人
滅鄢大矣綱目書此文無貶詞若真太子然者非
予之也所以見將相大臣不能為有無拱手聽其
所為是以交譏之耳然則劉氏之不滅豈非幸歟
甲高皇后呂
寅氏元年**考異**按歲年例曰篡賊朱注國名據此
高皇后呂氏五字當易以白字

書法

於是有所謂少帝矣曷為仍舊史以高皇后

然則他人子也書太子書少帝無改焉何也所以

罪漢廷之大臣也書太子書少帝則曷為罪之以

為漢廷大臣不能為有亡而聽其所立也故以呂

氏紀元而實錄之不以他人子亂正統也然則曷

為不於歲下大書婦人稱制天下之

大變綱目所深懼也故特變例書之

發明綱目凡正統之年歲下大書非正統者兩行

蓋合于一殆與東漢馬鄧無異初非戰國南北五

之變故特變例書之為後世鑒爾凡此類皆綱目之大節書法之要旨君子之所當深察者也

冬十一月太后以王陵為帝太傅陳平為右丞相審食

其為左丞相任敖為御史大夫考異

按統系例曰篡賊謂篡位干統而不

及傳世者注曰如漢之呂后王莽又曰篡賊事亦連書但每歲首及有異事即加其名據王莽書名而是年歲

首分注高皇后呂氏則此當書太后呂氏後凡歲首及有異事事各冠以呂氏而削太后二字

太后議欲立諸呂為王王陵曰高帝刑白馬盟曰非劉氏而王天下共擊之陳平周勃曰高帝定天下王

子弟今太后稱制王諸呂無所不可及退陵讓平勃曰始與高帝唾血盟諸君不在邪今欲阿意背約何

面目見高帝地下乎平勃曰面折廷爭臣不如君全社稷定劉氏之後君亦不如臣於是太后以陵為帝

太傅實奪之相權陵遂病免歸乃以平為右丞相審
食其為左丞相不治事令監宮中食其故得幸於太
后公卿皆曰而決事太后怨趙堯乃抵堯罪任敖嘗
為沛獄吏有德於太后故以為御史大夫胡氏曰自
已然論之王陵之不如平勃固也使太后未崩而平
勃先死則如此言何哉是亦僥倖而已矣向使太后
有議而將相大臣皆以為不可太后亦安能獨行其
意乎平勃許之猶且數月再遣張釋風喻大臣而後
乃王諸呂則知向者平勃阿意之罪大矣故程子論
之曰漢祖之與羣臣以力相勝而臣之耳其臣之者
非心悅誠服而願為之臣也是以當此之時無一人
肯死節者其後成功亦幸而已人臣之義當以王陵
為正至**集覽**噫血盟句絕注見周
哉言乎

發明

審食其何人乃居左揆陳平與之同列而不
耻並書于冊不特見呂氏私意用人之罪亦

以見陳平甘與噲伍之失

追尊父呂公為宣王兄澤為悼武王

欲以王諸呂為漸也

春三月除三族罪妖言令

書法

始盡改秦也綱目寬刑之政書除者十並詳惠帝四年

○二月置孝弟力田二千石者一人。夏四月立張偃

為魯王

張敖子也

封山朝武為列侯立彊為淮陽王不疑為恒山王集覽

山朝武三侯
名皆他人子

皆太后所名
孝惠子也

書法

凡封立異姓書姓同姓書子若弟恒也此其
曰山朝武何疑也其疑奈何以族則非真孝

惠子也以姓則不知其何姓也然則
名之而已矣異其文者異其事也

立呂台為呂王考異

按九例親戚貴重者書其屬
據此當書立兄子台為呂王

太后使大謁者張釋風大臣大臣乃
請割齊之濟南郡為呂國立台為王

秋桃李華

乙卯年冬十一月呂王台卒○春正月地震武都山崩質

實

武都郡名注見獻
帝建安二十四年

○夏五月太后封齊王弟章為朱

虛侯令入宿衛考異

太后當作呂氏後凡書太后並同
提要弟作子據漢書當從提要

集覽

朱虛縣名屬琅邪括地志云
故城在青州臨朐東六十里

質實

一統志云朱虛
漢之縣名屬琅

邪郡東漢屬北海國隋省入部
城縣故城在青州府臨朐縣境

書法

以典宿衛不書此何以書特筆也朱虛所以成功
以典宿衛耳齊制其外章處其內以誅諸呂

不難也是故封國未有書某弟者此書齊王弟通
鑑書齊王弟呂王不書太后立此書太后

封綱目書曰太后封齊王弟章令入宿衛天奪之
魄矣於是封楚元王子郢客為上邽客不書略之

也

○六月晦日食○秋七月恒山王不疑卒考異提要無

三質實

恒山郡名注見靈帝中平二年

○行八銖錢

書法

是年行八銖已未年行五分文帝五年造四

銖武帝建元元年行三銖五年行半兩元狩四年

行三銖五年鑄五銖莽四變居攝二年更造已巳

年禁金刀庚午年更作甲戌年改錢法東漢五銖

不變曹魏三變皆五銖昭烈帝章武元年後十月

罷後主建興五年復行吳再變後主建興十四年

鑄大錢延熙元年鑄當十大錢晉不書宋七變庚

午年鑄四銖丁亥年鑄大錢戊子年罷甲午年鑄

孝建四銖乙巳年鑄二銖十一月罷丙午年專用

古錢齋議鑄不果梁再變癸卯年鑄鐵錢丁丑年
鑄四柱錢陳再變壬午年鑄五銖已亥年用大貨
六銖元魏三變齊乙亥年行大和五銖梁丁酉年
新舊通行梁已酉年鑄永安五銖周三變辛巳年
更鑄甲午年鑄五行大布錢已亥年鑄永通萬國
錢隋五銖不變唐七變辛巳年唐行開元通寶高
宗乾封元年行乾封泉寶二年罷肅宗乾元元年
鑄大錢二年更鑄上元元年敕小錢一當三十寶
應元年皆當一五代楚乙酉年晉戊戌年已亥年
周乙卯年唐已未年皆有鑄自漢以來其間不變
者皆五銖也然則五
銖誠古今之中制矣

○太后立山為恒山王更名義

丙三
辰年

夏江漢水溢集覽

江漢二水名詳見禹貢漢水

集實

朱子曰江漢發源梁

州及入海則在荆揚之間也今按江水注見周赧王四年岷江漢水注見漢獻帝建安十二年漢河

書法

書水溢始此終綱目書雜水溢十有二年再書辛酉年晉元帝建武元年梁武帝庚子

年唐太宗貞觀十一年高宗永淳元年中宗神龍元年玄宗開元八年十年十八年二十九年河海溢不與焉

○秋星晝見

書法

記異也書星晝見始此終綱目非日食而星晝見者四是年己未年晉惠帝永康元年五

代已酉年而太后居其二陰盛陽微極矣

○伊洛汝水溢質實

按一統志伊洛汝三水名伊水注見唐莊宗同光三年洛水注見光

武建武三年汝水注
見晉帝奕太和四年

丁巳年夏四月太后封女弟額為臨光侯

書法

婦人封侯終綱目千三百六十二年一而已
書深識之綱目婦人以官封書者十一呂額

宣帝外祖母博平君莽母功顯君安帝太后母新
野君乳母王聖野王君順帝乳母宋娥山陽君梁
冀妻孫壽襄城君魏元乂妻胡氏女侍中陳一僕
母洗氏石龍太夫人隋封洗氏譙國夫人唐楊妃

妙國夫人自洗氏外皆識也
蕭何妻稱鄼侯不書不與焉

發明

分茅胙土君國子民其可以婦人為之乎呂
額之封綱目特揭女弟書之所以著其不當

封而封為婦人
亂政之鑒也

○廢少帝幽殺之五月立恒山王義為帝更名弘以朝

為恒山王考證

帝當作主。謹按凡例曰凡正統之君

朝稱制故歲首分注高皇后之年是為無統也當是時
呂后命張皇后取他人子養之而殺其母以為太子立
四年幽殺之以無統之時立他人之子是篡賊也凡例
又曰篡賊謂篡位干統如呂后之類朱子嘗曰呂氏所
自立本非孝惠子當比

僭稱帝者書曰少主云

少帝寢長自知非皇后子乃出言曰后殺吾母我壯
即為變太后幽之永巷中謂羣臣曰帝病久迷惑昏
亂不能治天下其代之羣臣頓首奉詔遂廢殺
之立義為帝不稱元年以太后制天下事故也

書法

魏馮胡太后弒君則書弒此其書殺何不成
之為君也曷為不成之為君非正統也義書

立為帝何太后立之也亦非正統故其帝也書立為帝其誅也書呂后所名孝惠子終綱目書立為帝為皇帝凡五齊君地弘劉玄盧芳石敬瑭書立為天子一劉信皆不成之為帝也惟石敬瑭以事成得書主

以曹窋為御史大夫

戊午年春南越王佗反

有司請禁南越關市鐵器南越王曰此必長沙王計欲倚中國擊滅南越而并王之自為功也遂自稱南越武帝攻長沙敗數縣而去

秋八月淮陽王彊卒太后立武為淮陽王

發明

呂氏擅權用私意而行封爵然呂台方立閱一載而書卒至於殫不疑之受封雖殫以孝

惠子名之亦且相繼告殯天意昭然若此而呂氏曾不之悟詳書于冊不特見呂氏亂朝之迹亦以

見天道不遠之意云

。初令戌卒歲更

已六年未

冬十月太后廢呂王嘉立台弟產為呂王○春星

晝見○匈奴寇狄道集覽

狄道縣名屬隴西百官表縣有蠻夷曰道其地有狄種故

名質實

一統志云狄道漢之縣名為隴西郡治晉屬狄道郡後魏至隋縣不改唐析置臨川縣屬蘭州

又別置安樂縣後廢宋熙寧中始置狄道縣金元仍舊

○本朝因之屬臨洮府

○行五分錢

庚申年冬十二月匈奴寇狄道○春正月太后幽殺趙王

友

友以諸呂女為后弗愛女怒去讒之太后曰王言呂氏安得王太后百歲後吾必擊之太后召至邸餓死以民禮葬之民哀次是為幽王集覽邸倉頡篇邸舍也郡國朝宿之言所歸至也近世為逆旅之稱

日食晝晦

太后見日食惡之曰此為我也

書法

日食晝晦大異也於是太后見而惡之曰此為我也越明年而以大喪書終綱目書日食

三百六十七畫晦者三周安王二十
年報王十四年是年舍是無書者矣

二月太后徙梁王恢為趙王呂王產為梁王○秋七月

立太為濟川王

太后所名
孝惠子也

封營陵侯澤為琅邪王

將軍劉澤高祖從祖昆弟其妻呂類女也田生為之
說大謁者張卿曰諸呂之王也大臣未服今營陵侯
澤諸劉最長王之諸呂王益固笑張
卿言之乃割齊之琅邪郡封澤為王
質實
注見周報
王三十一
年臨淄

趙王恢自殺太后立呂祿為趙王考異

據允例當書呂氏立兄子祿為

趙王

趙王恢以呂產女為后王有愛姬后酖殺之王悲憤
自殺太后以為用婦人棄宗廟禮廢其嗣使使告代
王恒欲徙王趙代王謝願守代邊太后乃立兄子祿
為趙王是時諸呂擅權用事朱虛侯章年二十有氣
力忿劉氏不得職嘗入侍燕飲太后令為酒吏章自
請曰臣將種也請得以軍法行酒太后許之酒酣章
為耕田歌曰深耕穡種立苗欲疏非其種者鋤而去
之太后默然頃之諸呂有一人醉亡酒章追斬之還
報左右皆大驚業已許其軍法無以罪也自是諸呂
憚之楊氏曰余觀劉章言耕田事及誅亡罪者未嘗
不為之寒心也使其由是以才見忌而不得宿衛禁
中則後雖欲有為尚可得乎然則其獲免而成功亦

幸而已。○陳平嘗燕居深念陸賈往直入坐而平不見。陸生曰：「何念之深也？」平曰：「生揣我何念？」生曰：「足下極富貴，無欲矣，不過患諸呂少主耳。」平曰：「然柰何？」生曰：「天下安注意相？天下危注意將。將相和，調則士豫；附天下，雖有變，權不分。為社稷計，在兩君掌握耳。君何不交驩太尉，因為平畫？」呂氏數事，平用其計，兩人深相結。呂氏謀益衰。

集覽

概種概音冀密也。豫附豫素也。

九月燕王建卒太后殺其子國除。○遣將軍周竈將兵擊南越。

辛酉年冬十月太后立呂通為燕王。考異

據凡例當書呂氏立從孫通為

夏江漢水溢○秋七月太后崩遺詔產為相國祿女為

帝后審食其為帝太傅考異按崩葬例曰皇太后皇太后皆曰某后某氏崩此太后

下漏呂氏二字

初太后後還過軹道見物如蒼犬來掖掖卜之云趙王如意為祟遂病掖傷病甚乃令祿為上將軍居北軍產居南軍戒曰我崩大臣恐為變必集覽掖還掖據兵衛宮慎毋送喪為人制至是崩集覽掖而返也後書禮儀志三月上巳官民皆潔於東流水上曰洗濯後除去宿垢疾為大絜絜者言陽氣布暢萬物訖出始絜之矣注謂之袂也袂絜也韓詩章句曰鄭俗以上巳溱洧兩水之上秉蘭袂除沈約宋書魏以後但用三日不復用已也掖音弗袂音係又上巳注見順帝永和六年檄掖掖音戟揭持也掖肘脅之間

書法

綱目入漢世始書后喪惟惠后張氏不書以假子亂正統也猶未書姓也至上官氏始書

姓猶未書葬也惟宣帝葬許皇后哀帝葬傅太后以非禮書至東漢始書葬於是既葬以審食其為

帝太傳直書遺詔太后志也

齊王襄發兵討諸呂相國產使大將軍灌嬰擊之嬰留

屯滎陽與齊連和九月太尉勃丞相平朱虛侯章誅產

祿及諸呂齊王灌嬰兵皆罷質實

一統志云灌嬰睢陽人

諸呂欲為亂未敢發朱虛侯以呂祿女為婦知其陰謀告其兄齊王襄令發兵西已為內應以誅諸呂立齊王為帝於是齊王發兵擊濟南遺諸侯王書陳諸呂罪產等遣灌嬰將兵擊之嬰至滎陽謀曰諸呂欲

危劉氏今我破齊是並其資也乃諭齊王與連和以
待呂氏變共誅之齊王乃還兵西界待約時太尉勃
不得主兵酈商老病其子寄與祿善平勃使人劫商
令寄紹說祿曰高帝與呂后共定天下劉氏所立九
王呂氏所立三王皆大臣之議諸侯亦以為宜今太
后崩帝少而足下不急之國乃將兵留此為大臣諸
侯所疑何不歸將印以兵屬太尉請梁王歸相印與
大臣盟而之國齊兵必罷足下高枕而王千里此萬
世之利也祿然其計諸呂老人或以為不便猶豫未
決九月平陽侯宙見產會郎中令賈壽使從齊來具
以灌嬰與齊楚合從告產且趣產急入宮宙聞其語
馳告平勃勃欲入北軍不得乃令襄平侯紀通持節
矯內勃北軍復令寄語祿解印以兵授勃勃入軍門
令曰為呂氏右袒為劉氏左袒軍中皆左袒然尚有
南軍平乃召朱虛侯章佐勃勃令章監軍門令宙告
衛尉毋入產殿門產欲入宮為亂至殿門弗得入排

徇往來勃尚恐不勝未敢言誅之乃謂章曰急入
宮衛帝予卒千餘人入宮門擊產殺之帝遣謁者持
節勞章章欲奪其節不得則從興載因節信馳斬長
樂衛尉呂更始還報勃勃起拜賀遂遣人分部悉捕
諸呂男女無少長皆斬之而廢魯王張偃遣章告齊
王罷兵灌嬰兵亦罷歸班固曰孝文時天下以酈寄
為賣友夫賣友者謂見利而忘義也若寄父為功臣
而又執刼雖摧呂祿以安社稷誼存君親可也楊氏
曰諸呂擅兵謀危劉氏忠臣所共切齒寄乃與之友
善而商亦莫之禁也雖摧呂祿乃以刼而後從功亦
不足以及贖其罪矣賣友與否非所論也胡氏曰太尉
左祖之令非也有如軍士不應或皆右祖或參半焉
則如之何故程子謂是時直當驅之以義而已不當
問其從不從也况將之於軍如臂之於指其為劉氏
與不為劉氏非惟不**集覽**從興載就謁
當問亦不必問也者同車共載

書法

書使何未有君命未有君命而受其使非譏歟上書齊王襄發兵討諸呂繼書嬰留屯與

齊連和則受其使者所以為討亂計也嬰於是可謂能權矣故下書齊王灌嬰兵皆罷列嬰於齊予

也嬰

諸大臣迎立代王恒後九月至即位誅呂后所名孝惠

子弘等赦

諸大臣謀曰少帝及諸王皆非真孝惠子也呂后詐名他人子而立之以彊呂氏即長用事吾屬無類矣或言齊王高帝長孫可立大臣皆曰呂氏幾危宗廟今齊王舅驕鉤虎而冠即立齊王復為呂氏矣代王高帝子最長仁孝寬厚太后家薄氏謹良乃召代王代郎中令張武等曰漢大臣習兵多詐願稱疾毋往

以觀其變中尉宋昌曰秦失其政豪傑並起卒踐天子之位者劉氏也天下絕望一笑高帝封王子弟地犬牙相制此所謂磐石之宗也天下服其彊二矣除秦苛政約法令施德惠人人自安難動搖三矣夫以呂太后之嚴立三王擅權制然而太尉以一節入北軍一呼士皆左袒此乃天授非人力也今大臣雖欲為變百姓弗為使故因天下之心而欲迎立大王王勿疑也於是王遣太后弟昭往見勃勃等具為昭言所以迎立王意昭還報王乃命昌乘武等六人乘傳詣長安至渭橋羣臣拜謁稱臣王下車答拜太尉勃進曰願請間昌曰所言公言之所言私王者無私勃乃跪上天子璽符王謝曰至邸而議之後九月晦至邸丞相平等皆再拜言曰子弘等皆非孝惠帝子不當奉宗廟大王高帝長子宜為嗣願大王即天子位王西向讓者三南鄉讓者再遂即位章弟東牟侯興居請除宮乃與太僕滕公入宮載少帝出奉

法駕迎帝即夕入未央宮夜拜宋昌為衛將軍鎮撫
南北軍以張武為郎中令行殿中有司分部誅少帝
及諸王於邸帝還坐前
集覽犬牙相制言封子弟其
殿夜下詔書赦天下
相當而相銜入也磐石之宗索隱曰此語見太公六
韜又荀子富國篇曰國安于磐石注磐石固也國之安
疆如磐踞之大石不可拔渭橋索隱曰三輔舊事云
咸陽宮在渭北興樂宮在渭南秦昭王欲通二宮之
間造橫長橋跨渭水上長三百八十步又中渭橋注
見文帝三年願請間史記漢文本紀索隱注間音閑
言欲向空閒處語顏師古曰閒容也猶言中間請容
暇之頃當有所陳不欲即公論也愚讀記曲禮侍坐
於君子若有告者曰少閒願有復也則左右屏而待
鄭氏注復白也言欲頃少空閒有所白也與索隱解
同除宮文帝本紀作清宮應劭曰舊典天子行幸所
至必令先按行清靜殿中以虞非常滕公夏侯嬰法

駕胡廣漢制度曰天子出法駕公不在鹵簿黃門令
效駕河南尹執金吾洛陽令奉引奉車郎御侍中參
乘前驅有九旂雲罕鳳凰闔戟皮軒鸞旗質實一統
後有金鉦黃鉞黃門鼓車屬車三十六乘
渭橋有三中渭橋在西安府西北二十五里本名橫
橋架渭水上秦始皇作離宮於渭南渭水貫都以
象天漢橫橋南渡以法牽牛東渭橋在西安府東北
五十里漢高祖造以通櫟陽之道西渭橋在西安府
城西北二十里故長安城西漢武帝造跨渭水以通
茂陵以其對便門故亦名便橋唐時名咸陽橋東牟
漢之縣名屬東萊郡晉宋曰之北齊移治於黃縣東
北七十五里屬長廣郡隋改郡為牟州唐初州縣俱
廢後析文登縣置牟平縣又於縣置登州神龍中徙
州治蓬萊縣金時劉豫於牟平縣置寧海軍金改軍
為州元直隸省部○國朝初
以牟平縣省入改屬登州府

書法

書呂后何據前皆稱太后后無母道也后則曷為無母道以婦人制天下以假子亂正統

其為無母道也大矣故綱目於此直書曰所名孝惠子而后不書太所以絕之於文帝也兩漢之世

書迎立者十代王恒昌邑王賀曾孫病已中山王箕子清河王祐北鄉侯懿濟陰王保渤海孝王子

續蠡吾侯志

鮮清亭侯宏

發明

自惠帝早世太子繼立雖曰呂氏取他人子養而名之然當時用事大臣畧不能為有無

甚至大封諸子更立少帝一切拱手聽其自為綱目書之曾無貶詞亦若真孝惠子然者所以著漢

朝將相之罪爾至是始書其實其曰誅呂后所名孝惠子弘等則非孝惠之子審矣學者合而觀之

原始要終足見綱目責漢朝之意矣

御批資治通鑑綱目卷三上